

綱鑑易知錄

宋

七十五卷

113
537
40



門 413
537
卷 40

尺本堂綱鑑易知錄卷七五

天
二月
花房
氏寄

綱目續編定本

山陰吳乘權楚材同輯

周之燦星若

宋紀

徽宗皇帝

綱目已丑三年春三月謫右正言陳丞監信州酒稅目
時童貫權益張與黃經臣胥用事中丞盧航表裏為
姦縉紳側目陳丞曰此國家安危之本也遂上書劾

綱鑑易知錄

卷七五

宋徽宗

一

引衣裾落

碎衣碎首

林據不識
甄益字

貫經臣怙寵弄權之罪願亟竄之遠方論奏未終帝拂衣起引帝衣請畢其說衣裾居後落帝曰正言碎朕衣矣禾言陛下不惜碎衣臣豈惜碎首以報陛下此曹今日受富貴之利陛下他日受危亡之禍言愈切帝變色曰卿能如此朕復何憂內侍請帝易衣帝却之曰畱以旌直臣翌日貫等相率前訴謂國家極治安得如此不祥語邪遂奏禾狂妄謫監信州今江西廣信府酒稅綱夏四月林據有罪免綱集英殿廬廬

徽宗始有北伐之意

孟翊易數

誤邪據不謝而語詆同列御史論其寡學倨傲不恭失人臣禮黜知滁州今江南久之自揚州今江南徙大名今直隸大名府道過闕為帝言頃使遼崇寧四年冬林其激怒以啓豐據遂恣情不遜遼人見其國中攜貳大怒空客館絕烟火三日乃遣還若兼而有之勢無不可蓋欲報其辱也帝由是始有北伐之意綱以鄭居中知樞密院事管師仁同知院事余深為中書侍郎薛昂劉正夫為尚書左右丞附蔡京至舉家為京避私諱或誤及之綱五月流孟翊輒加笞責昂嘗誤及即自批其口綱于遠州綱孟翊獻所畫封象謂宋將中微有再受命

之象宜更年號改官名變庶事以厭煙入聲之帝不
樂詔竄之遠方綱六月管師仁罷綱蔡京有罪免目
中丞石公弼殿中侍御史張克公劾京罪惡章數十
上京遂罷為太乙宮見六八卷十八使時有郭天信者以方
伎得親幸深以京為非每奏天文必指陳以撼京密
白日中有黑子帝為去聲之恐故罷京綱以何執中為
尚書左僕射兼門下侍郎目執中一意謹事蔡京遂
代為首相太學生陳朝老詣闕上書曰陛下知蔡京
之姦解其相印天下之人鼓舞有若更生及相執中

郭天信深以蔡京為非

陳朝老詣闕上書

中外黯然失望執中雖不敢若京之蠹國害民然碌
碌常質初無過人天下敗壞至此如人一身臟腑受
診田上聲已深豈庸庸之醫所能起乎執中負
緣員也攀附致位二府中書樞密亦已大幸遽俾之
經體贊元是猶以蚤負山天下也猶涉海鑿河而
使也多同見其不勝升任也疏奏不省綱冬十一
月詔蔡京以太師致仕留京師
綱庚寅四年春正月以余深為門下侍郎張商英為
中書侍郎侯蒙同知樞密院事目蔡京既免商英自

豈庸庸之醫所能起

是猶以蚊負山

綱鑑易知錄 卷二十五 宋徽宗 三

峽州見七一起知杭州今浙江杭州府過關賜對因奏曰神

宗脩建法度務以去大害興大利今誠一一舉行則

盡紹述之美遂畱居政府帝嘗從容問蒙曰蔡京何

如人也蒙對曰使京正其心術雖古賢相何以加帝

使密伺京所為京聞而銜恨也之綱夏五月立詞學

兼茂科綱彗見五卷出奎婁二宿名詔直言闕失貶蔡

京為太子少保出居杭州石公弼等論之也綱余深罷綱六

月以張商英為尚書右僕射兼中書侍郎綱蔡京久

盜國柄中外怨疾見商英能立異同更稱為賢帝因

立詞學兼茂科

商霖

人望而相之時久旱彗星中天商英受命是夕彗不

見明日雨帝喜因大書商霖商書說命篇若歲大早用汝作霖雨二字

賜之綱薛昂免秋八月以吳居厚劉正夫為門下

中書侍郎侯蒙鄧洵仁為尚書左右丞冬十月立

貫妃鄭氏為皇后綱鄭居中罷以外戚罷以吳居厚知樞

密院事

綱辛卯政和元年春三月以王襄同知樞密院事綱

秋八月張商英罷綱商英為政持平謂蔡京雖名紹

述但借以劫制人主禁錮士大夫耳於是大革弊事

勸帝節華侈息土木抑僥倖帝頗嚴憚之時稱商英忠直初何執中與蔡京同相凡營立皆預議至是惡商英出已上與鄭居中日夜醞織其短會商英與郭天信往來事覺居中因諷中丞張克公論之遂罷政出知河南府尋貶為崇信軍節度副使綱九月王襄免綱遣端明殿學士鄭允中及童貫使遼綱童貫既得志於西羌西夏遂謂遼亦可圖因請使遼以覘諸平聲窺之乃以鄭允中充賀遼主生辰使而以貫副視也或言以宦官為上介國無人乎帝曰契丹聞貫破

童貫使遼

荒故欲見之因使覘其國策之善者也遂行綱冬十月雞羈管陳瓘于台州綱以忤蔡京竄郴州今湖廣瓘子正彙在杭今浙江訟京有動搖東宮迹杭州府今杭守蔡薨執送京師陰告京俾為計事下開封府併逮見十九卷洽瓘尹李孝壽逼使證其妄瓘曰正彙聞京將不利社稷傳於道路瓘豈得預知以所不知忘父子之恩而指其為妄則情有所不忍挾私情以符合其說又義所不為京之姦邪必為國禍瓘固嘗論之於諫省亦不待今日語言聞也內侍黃經臣蒞鞫

陳瓘獄詞

陳瓘撰尊堯集

窮罪也。聞其詞失聲太息，謂曰：主上正欲得實，但如言以對可也。獄具，正彙猶以所告失實流海上。瓘安置通州。今江南揚州府通州。瓘嘗撰尊堯集，謂紹聖哲宗年號史官專據王安石日錄，改脩神宗史，變亂是非，不可傳信。深明誣妄，以正君臣之義。張商英為相，取其書，既上而商英罷。瓘又徙台州。今浙江台州府。何執中起遷人石，慼介知台州，欲置瓘以必死。慼至，執瓘至庭，大陳獄具，將勝以死。瓘揣知其意，大呼曰：今日之事，豈被制言邪？慼失措，始告之曰：朝廷令取尊堯集，爾瓘曰：然

童貫以李良嗣來賜姓趙

則何用許使君知尊堯所以立名乎？蓋以神考為堯，主上為舜，尊堯何得為罪？時相學術短淺，為人所愚，君所得幾何，乃亦不畏公議，干犯名分乎？慼慙揖瓘使退，執中怒，罷慼。瓘平生論京兄弟皆披擿，惕其處心發露其情，慼最所忌恨，故得禍最酷。綱童貫以遼人馬植本遼大族，仕至光祿卿，行汚而內亂，不齒於人。童貫使遼道盧溝，河名，在順天府西南。植夜見其侍史，自言有滅燕之策，因得見貫，貫與語，大奇之，載與俱歸。易

馬植請結女真圖遼

姓名曰李良嗣薦諸朝植即獻策曰女真見七三恨遼人切骨而天祚遼主耶律延禧號天祚皇帝荒淫失道本朝若自登萊見四九卷十三涉海結好去聲女真與之相約攻遼其國可圖也議者謂祖宗以來雖有此道以其地接諸蕃禁商賈舟船不得行百有餘年矣一旦啓之懼非中國之利不聽帝召問之植對曰遼國必亡陛下念舊民遭塗炭之苦復中國往昔之疆代天譴責以治伐亂主師一出必壺漿來迎萬一女真得志事不侔矣帝嘉納之賜姓趙氏以為祕書丞圖燕之議自此始

御筆手詔

書楊

更定官名

始。綱壬辰二年春二月復蔡京太師賜第京師京自杭州名還帝宴之於內苑太清樓綱夏五月詔蔡京三日至都堂議事求也京患言者議已乃作御筆密進而丐也帝親書以降謂之御筆手詔違者以違制坐之事無巨細皆記以行至有不類帝書者羣下亦莫敢言由是貴戚近臣爭相請求至使中人楊球代書號曰書楊京復病之而不能止矣綱六月以余深為門下侍郎綱秋九月更定官名蔡京率意自用欲更置官名以繼元豐之政乃首更開封守臣為尹牧由

受元圭于大慶殿

是府分六曹縣分六案內侍省職悉倣機廷之號脩
 六尚局建三衛郎遂詔太師太傅太保古三公之官
 今為三師古無此稱合依三代為三公為真相之任
 司徒司空周六卿之官太尉秦主兵之任皆非三公
 並宜罷仍立三孤為次相之任更侍中為左輔中書
 令為右弼尚書左僕射為太宰兼門下侍郎右僕射
 為少宰兼中書侍郎罷尚書令
 及文武勳官而以太尉冠武階
 綱冬十一月受元圭
 于大慶殿赦帝御殿受賀執政皆進秩
 綱以何執中
 為少傅十二月加童貫太尉
 綱癸巳三年春正月追封王安石為舒王安石子雱
 為臨川見卷六十九伯從祀孔子廟
 綱以何執中為太宰
 綱吳居厚罷以鄭居中知樞密院事
 綱二月太后劉

氏自殺劉氏哲宗后以不謹聞帝與輔臣
 綱夏四月

鄧洵仁罷
 綱以薛昂為尚書右丞
 綱閏月改公主為

帝姬
 秋八月以何執中為少師
 綱九月賜方士王

老志號洞微先生王仔昔號通妙先生
 綱濮人王老志初為小吏遇異人授以丹遂棄妻子結

草廬田間為人言休咎多驗太僕卿王直以名聞時

帝方嚮道術乃召至京師館於蔡京第嘗緘書一封

至帝所啓視乃昔歲秋中與喬劉二妃燕好去聲之語

也由是益信之號為洞微先生朝士多從求書初若

不可解械者卒應者什八九其門如市踰年而死洪

州今江西南昌府人王仔昔初隱於嵩山在河南河南府登封縣自言

遇許遜南昌人晉初為旌陽令點石化金足遁賦尋棄官歸精脩山中年一百三十六歲舉家飛

升宋封妙濟真君得大洞隱書豁落七元之法能道人未來

事京薦之帝召見賜號冲隱處士進封通妙先生由

是道家之事日興而仔昔恩寵寢加朝臣戚里寅緣

關通綱冬十一月祀天于圜丘以天神降詔百官

十二月詔求道教仙經于天下綱女真阿骨打自稱

都勃極烈目初遼主如春州幸混同江在盛京奉天府開原縣城

道家之事

日興

天神降

求道教仙

經

北一千五百里經五國城入海釣魚生女真見六五卷三部長在千里內

者以故事皆來朝適遇魚頭宴遼主命諸部次第起

舞至阿骨打辭不能但端立直視遼主諭之再三終

不從他日遼主密諭北院樞密使蕭奉先曰阿骨打

雄豪不常可托以邊事誅之否則必貽後患奉先曰

彼粗人不知禮義且無大過而殺之恐傷向化心

設有異志萃爾貌小小國亦何能為遼主乃止阿骨

打歸疑遼主知其異志且以遼主淫虛去聲醜醜醉怒也不

恤國政遂稱兵先并旁近族至是節度使烏雅東死

阿骨打雄
豪不常

阿骨打襲位為都勃極烈。都勃極烈者，官長也。遼使阿息保往，謂之曰：何故不告喪？阿骨打曰：有喪，不能弔，而乃以為罪乎？

綱甲午四年冬十月，女真阿骨打叛遼，取寧江州。

十一月，遼遣都統蕭嗣先伐女真。阿骨打迎戰于混

同江，遼軍大敗。**目**遼主聞寧江州陷，乃以司空蕭嗣

先為東北路都統，蕭撻不也副之。帥兵屯出店河。阿

骨打帥眾來禦，未至混同江，見上會夜，阿骨打方就枕。

若有扶其首者三寤而起，曰：神明警我也。即鳴鼓舉

阿骨打混同江之捷

女真國號金

燧遂也。而行。黎明，見五十三卷至混同江，與遼兵遇，會大

風起，塵埃蔽天。阿骨打乘風奮擊，遼兵潰，會將士多

死。其獲免者十有七人。遼人嘗言女真兵滿萬則不

可敵，至是始滿萬云。

綱乙未五年春正月，女真完顏阿骨打稱帝國號，金

目阿骨打既屢勝遼，其弟吳乞買率將佐勸其稱帝。

阿骨打遂於正月朔即皇帝位。且曰：遼以寶鐵為號，

取其堅也。寶鐵雖堅，終亦變壞。惟金不變不壞。金之

色白，完顏色尚白，況所居按出虎水之上。於是國號

大金改元收國更名旻以吳乞買為諳庵班勃極烈

撒改斜也為國論倫勃極烈其國語謂金為按出虎

謂尊大為諳班謂國相為國論斜也亦阿骨打弟撒

改烏古迺之孫也綱二月立定王桓為皇太子赦

桓帝長子顯綱以童貫領六路邊事時未與鄜延環

恭皇后所生綱以童貫領六路邊事慶秦鳳涇原熙

河各置經略安撫司以貫總綱秋八月有星流出於

柳其光照地色赤黃有尾占者以為天子宗廟有

喜國家建造宮室之祥蔡京率百官表賀綱安置太

有流星出於柳

子詹事陳邦光於池州

今江南池州府

目蔡京獻太子以大

太子碎琉璃酒器

食國琉璃見卷五二酒器羅列宮庭太子怒曰天子大

臣不聞以道義相訓乃持玩好去聲之具蕩吾志邪命

左右碎之京聞邦光實激太子諷言者擊逐之綱九

月金取遼黃龍府目金主攻黃龍府見卷六二次混同

江見上無舟以渡金主使一人導前乘楮赤色白馬

徑涉曰視吾鞭所指而行諸軍隨之以濟遂克黃龍

府遣蕭辭刺辭刺如金金雷不遣還遼曰若歸我

叛人阿疎見卷二六即當班也還師

綱丙申六年春正月賜方士林靈素號通真達靈先

金主乘楮白馬徑涉混同江

方士林靈素

生曰靈素溫州今浙江溫州府人少從浮屠僧也苦其師笞罵

去為道士善妖幻往來淮泗見三五卷十七閒及王老志死

王仔昔寵衰帝訪方士方外之士於左階道籙徐知常知

常以靈素對即名見靈素大言曰天有九霄而神霄為最高其治日府神霄玉清王者上帝之長子主南方號稱長生大帝君陛下是也

既下降於世其弟號青華帝君者主東方攝領之又

有仙官八百餘名今蔡京即左元仙伯王黼即文華使鄭居中童貫等皆有名而已即仙卿楮慧下降佐

帝君之治時劉貴妃方有寵靈素以為九賜號通真

華玉真安妃帝心獨喜其事甚加寵信

達靈先生為去聲改溫州為應道軍靈素本無所能惟

稍習五雷法名呼風霆閒禱雨有小驗而已綱閏月

立道學

立道學從林靈素之言也綱二月作上清寶籙宮成夏四

月何執中罷詔蔡京三日一朝總治三省事五

月以鄭居中為少保太宰劉正夫為少宰鄧洵武知

樞密院事秋八月以侯蒙為中書侍郎薛昂為尚

書左丞綱九月帝詣玉清和陽宮上玉帝徽號赦

帝奉捧玉冊玉寶如玉清和陽宮政和三年四月作上玉帝

尊號曰太上開天執符御曆含真體道昊天玉皇

帝詔天下洞天福地脩建宮觀貫塑造聖像綱冬十

月以白時中為尚書右丞十二月劉正夫罷

號上玉帝徽

林靈素講道經

千道會

有星如月南行

綱丁酉七年春二月帝幸上清寶籙宮命林靈素講道經。目時道士皆有俸。每一觀給田亦不下數百千頃。百畝為頃凡設大齋輒費緡民也錢數萬。貧下之人多買青布幅巾以赴。日得一飫。於去聲飽也餐而視施錢三百。謂之千道會。且令士庶入聽靈素講經。帝為設幄其側。靈素據高座使人於下再拜請問。然所言無殊絕者。時時雜以滑稽諛諧也。媒語。上下為大闕洪去聲。笑莫有君臣之禮。綱夏四月道籙院上章。帝為教主。道君皇帝。冬十二月有星如月南行。帝

作萬歲山

定命寶

言天神降于坤寧殿。綱作萬歲山。目初帝以未得嗣子為念。道士劉混康以法籙符水出入禁中。言京師西北隅地協堪輿。天地總名堪輿。天道輿地道。倘形勢加以少高。當有多男之祥。始命為數仞。八尺曰仞岡阜。已而後宮生子漸多。帝甚喜。始信道教。至是又命戶部侍郎孟揆於上清寶籙宮東築山以像餘杭。今浙江杭州府之鳳凰山。在州府號曰萬歲城。南。綱戊戌重和元年春正月。作定命寶。成。目于闐。見五卷上美玉。踰二尺。帝命製寶。號曰定命寶。合前八寶

綱鑑易知錄

卷七十五

宋徽宗

十三

約金攻遼

見上卷 爲九寶以定命寶爲首。綱以王黼爲尚書左丞。綱二月遣武義大夫馬政浮海使金。約夾攻遼。建隆太祖中。女真嘗自其國之蘇州泛海至登州。東登州府賣馬。故道猶存。至是有漢人高燕師者泛海來言女真建國屢破遼師。登州守臣王師中以聞。詔蔡京童貫共議命師中募人同藥師等齎市馬詔以往。不能達而還。帝乃復委童貫選人使之。遂使武義大夫馬政同藥師由海道如金。政言於金主曰。主上聞貴朝攻破契丹五十餘城。欲與通好。去聲共行弔伐。若

通金好自此始

掖庭大火

允許後當遣使來議。通金好自此始。綱秋七月以鄭居中爲少傅。余深爲少保。八月以童貫爲太保。綱九月掖庭宮旁大火。凡焚五千餘間。後苑廣聖宮及宮人所居幾盡。焚死者甚衆。綱薛昂罷。以白時中。王黼爲門下中書侍郎。馮熙載。范致虛爲尚書左右丞。鄭居中罷。閏月立周恭帝後。冬十二月遼大饑人相食。綱已亥宣和元年春正月金人來聘遣馬政報之不至而復。目金主遣渤海見六五卷人李善慶等持國書同馬政來脩好。詔蔡京等諭以夾攻遼之意。遣政

綱鑑易知錄 卷七十五 宋徽宗 十五

同趙有開齋詔與善慶等渡海報聘行至登州有開死會謀牒。今者言遼已封金主為帝乃詔政勿行之細作

止遣平海軍較呼慶送善慶等歸金金主遣慶歸且語之曰歸見皇帝果欲結好早示國書若仍用詔決

難行也綱以余深為太宰王黼為少宰二月以鄧洵武為少保三月以馮熙載為中書侍郎范致虛

張邦昌為尚書左右丞綱夏五月京師大水京師大水茶肆傭農興見犬犬蹲存榻傍近視之則龍也軍器

作坊兵士取而食之逾五日大雨如注歷七日而止

李綱直言

京城外水高十餘丈起居郎李綱言國家都汴百五十餘年矣未嘗有此異夫變不虛生必有感名之災非易禦必有消復之望求直言采而用之以答天戒

詔貶綱一官與縣去綱六月夏人來童貫諷夏人納款也詔童貫罷兵秋七月以貫為太傅時人稱蔡京為媼相綱八月

范致虛罷目時朝廷欲用師契丹致虛言邊隙一開必有意意外之患宰相謂其懷異會母喪去位綱九月

幸蔡京第綱加蔡攸開府儀同三司目攸有寵於帝進見無時與王黼得預宮中祕戲或侍曲宴私宴也則

公相媼相

綱鑑易知錄 卷七十五 宋徽宗 十五

攸黼著灼短衫窄袴塗抹青紅雜倡優侏儒見四卷
 中多道市井淫媠褻謔浪見六三語以獻笑取悅攸
 妻宋氏出入禁掖攸子行頷殿中監寵信傾其父攸
 嘗言於帝曰所謂人主當以四海為家太平為娛魚
 歲月能幾何豈徒自勞苦帝深納之因令苑囿皆倣
 江浙江南為白屋不施五采多為村居野店及聚珍
 禽異獸動數千百以實其中都下每秋風夜靜禽獸
 之聲四徹宛若山林陂澤之間識者以為不祥之
 兆綱冬十一月以張邦昌王安中為尚書左右丞綱
 不祥之兆

十二月帝數朔微行竄祕書省正字曹輔于郴州見
五廣義曹輔忠君愛國而反蒙竄逐則徽宗之縱欲
 帝自政和徽宗以來多微行私出始民間猶未知及
 蔡京謝表輕車小輦見五二賜臨幸自是邸見四
四報傳之四方而臣僚阿順莫敢言曹輔上疏諫曰
 陛下厭居法宮時乘小輦出入屢陌郊坰綱邑外
日牧牧外日野野極遊樂而後返臣不意陛下當宗
外日林林外日坰極遊樂而後返臣不意陛下當宗
 社付託之重玩安忽危一至於此夫君之與民本以
 人合合則為腹心離則為楚越畔服之際在於斯須

曹輔諫微行疏

甚可畏也。萬一當乘輿不戒之初。一夫不逞。包藏禍心。雖神靈垂護。然亦損威傷重矣。又況有臣子不忍言者。可不戒哉。帝得疏。出示宰臣。令赴都堂審問。余深曰。輔小官。何敢論大事。輔曰。大官不言。故小官言之。王黼陽顧張邦昌。王安中曰。有是事乎。皆應以不知。輔曰。茲事雖里巷小民無不知。相公當國。獨不知邪。曾此不知。焉用彼相。黼怒。令吏從輔受詞。輔操筆曰。區區之心。一無所求。愛君而已。退待罪於家。遂編管郴州。初輔將有言。知必獲罪。名子紳來付以家事。

乃閉戶草疏。及貶。怡然就道。綱名楊時為祕書郎

時南劍今福建延平府將樂今延平府將樂縣人。初舉進士第。聞程

顥兄弟講孔孟絕學於河洛。黃河洛水在河南府洛陽縣調去

官不赴。以師禮見顥於潁昌。今河南開封府許州相得甚歡。其

歸也。顥目送之曰。吾道南矣。及顥卒。又師事程頤於

洛。蓋年四十矣。一日頤偶瞑。閉目也坐時與游酢侍立。

不去。頤既覺。教則門外雪深一尺矣。後歷知瀏流陽

今湖廣長沙府瀏陽縣餘杭今浙江杭州府餘杭縣蕭山今浙江紹興府蕭山縣三

縣皆有惠政。民思之不忘。時安於州縣。未嘗求聞達。

吾道南

楊游立雪

而德望日重四方之士不遠千里從之遊號曰龜山先生會蔡京客張翥學言於京曰今天下多故事至此必敗宜亟引舊德老成置諸左右庶幾猶可及京問其人翥以時對京因薦之會路允迪自高麗見七卷還言高麗國王問龜山先生安在乃召為祕書郎綱庚子二年春正月罷道學綱林靈素有罪放歸田里目靈素初與道士王允誠共為神怪之事後忌其相軋晏入聲勢相傾也毒殺允誠遂專用事及都城水帝遣靈素厭煙入聲勝鎮也方步虛城上役夫爭舉挺庭上聲

杖也將擊之走而免帝始厭之然橫恣愈不悛詮改也道

遇皇太子弗斂避太子入訴於帝帝怒以靈素為太

虛大夫斥還故里命江端本通判溫州見上察之端

本廉察也得其居處過制罪詔徙置楚州今江南命下

而靈素已死綱二月遣趙良嗣使金時童貫密受旨

右文殿脩撰趙良嗣往金仍以市馬為名其實約攻

遼以取燕雲之地燕見上六雲見六八卷二三

綱夏六月詔蔡京致仕目京專政日久公論益不與

帝亦厭薄之子攸權勢既與父相軋浮薄者復間諫

焉由是父子各立門戶遂為仇敵攸別居賜第一日

父子各立門戶

金議攻遼
及歲幣

詣京。京正與客語，使避之。攸甫入，遽起握父手為眡。
軫同視狀曰：大人脈勢舒緩，體中得無有不適乎？京
曰：無之。攸曰：禁中方有公事，即辭去。客竊窺見，以問
京。京曰：君固不解械也。此邪？此兒欲以為吾疾而罷
我耳。閱數日，果以太師魯國公致仕。仍朝朔望。**綱**秋
八月，金人來議攻遼及歲幣。遣馬政報之。**目**趙良嗣
謂金主曰：燕本漢地，欲夾攻遼，使金取中京。見六十六卷十六
大定府。宋取燕京。見上析津府。金主許之。遂議歲幣。
金主因以手札付良嗣，約金兵自平地松林趨古北

口宋兵自白溝。見六十八卷十三夾攻。不然，不能從。因遣勃董
偕良嗣還，以致其言。帝使馬政報聘，書云：大宋皇帝
致書於大金皇帝，遠承示書，致罰契丹。當如來約。已
差童貫勒兵相應。彼此兵不得過關。歲幣之數，同於
遼。**綱**以余深為少傅。**綱**冬十月，加內侍梁師成太尉。
目時帝留意禮文符瑞之事，師成善逢迎，希恩寵。帝
命處殿中，凡御書號令，皆出其手。多擇善書吏習倣
帝書，雜詔旨以出。外庭莫能辨。師成實不能文，而高
自標榜，自言蘇軾出。於時天下禁誦蘇文，其尺牘在

隱相

方臘作亂

人間者皆毀去。師成訴於帝曰：先臣何罪？自是軾之文乃稍出。以翰墨為己任。四方俊秀名士必招致門下。往往遭點汙。多置書畫卷軸於外舍。邀賓客縱觀。得其題識。至合意者輒密加汲引。執政侍從可階而升。王黼以父事之。稱為恩府先生。蔡京父子亦諂附焉。都人目為隱相。所領職局至數十百階。至開府儀同三司。布衣朱夢說上書論宦寺權太重。詔編管於池州。見上。綱睦州人。方臘作亂。目睦州。今浙江嚴州府。清溪今嚴州府淳安縣。民方臘世居縣揭村。託左道以惑眾。臘有

鄧肅進詩諷諫

漆園造作局。屢酷取之。臘怨而未敢發。時吳中困於朱勔。花石見上卷之擾。比屋致怨。太學生鄧肅進詩諷諫。帝不聽。放肅歸田里。勔益橫。臘因民不忍。陰聚貧乏游手之徒。以誅勔為名。起作亂。自號聖公。建元末樂。置官吏將帥。以巾飾為別。自紅巾而上。凡六等。無弓矢介甲也。胄惟以鬼神詭祕事相扇誅。恤也。誘也。焚室廬。掠金帛子女。誘脇良民為兵。人安於太平。不識金革。聞金鼓聲。即斂手聽命。不旬日。聚眾至數萬。

靜軒周氏曰：嗚呼！宋室自此亂矣。方臘作亂。自往年萌孽。至是始書於策。臘雖破滅。而宋江金

花石流弊至是甚

虜滑夏之謀接踵而起宋遂不支儻以徽欽昏淫相繼為亡宋之主則方臘之亂實起於重和初年是時徽宗失德既形禍已若此然則逆氣所鍾妖孽乘之尚復何說之有哉下書陷睦歙杭州陷婺處州陷衢州寇秀州如入無人之境然則花石之害民其流之弊至是甚矣識者可以察之後之有天下者可不戒諸

綱十一月余深罷以王黼為少保太宰綱十二月

方臘陷睦歙攝今江州杭見上州詔以童貫為江淮

荆浙宣撫使發兵討之帝得報始大驚乃罷北伐之議而以童貫為宣撫使譚稹

秦晉蕃漢兵十五萬討之綱真臘見七十二卷入貢

綱辛丑三年春正月鄧洵武卒童貫承詔罷蘇杭

應奉局花石綱綱方臘陷婺州今浙江又陷衢州

衢州府自衢守彭汝方被執罵賊而死賊屠其城綱

二月方臘陷處州今浙江淮南盜宋江掠京東諸

郡知海州張叔夜擊降之綱宋江起為盜以三十六

人橫行河朔河北轉掠十郡官軍莫敢嬰觸其鋒知

亳州見七十二卷侯蒙上書言江才必有過人者不若赦

之使討方臘以自贖帝命蒙知東平府見五十九卷未赴

而卒又命張叔夜知海州今江南鳳陽府江將至海州叔

夜使間諫也者覘見上所向江徑趨海濱劫鉅

宋江以三十六人橫行

舟十餘載。鹵同虜獲叔夜募死士得千人。設伏近城。而出輕兵距海誘之。戰先匿壯卒海旁。伺兵合。舉火焚其舟。賊聞之。皆無鬪志。伏兵乘之。擒其副賊。江乃降。
綱方臘寇秀州。今浙江嘉興府官軍敗之。臘還據杭州
綱遼都統耶律余覲叛降金。綱夏四月。童貫合兵擊方臘。破之。執臘以歸。二月。童貫譚稹軫前鋒。水陸並進。臘乃宵遁。還清溪幫。邦源洞一名清溪洞諸將劉延慶辛興宗王淵等相繼至。盡復所陷城。四月。貫等合兵擊臘於幫源洞。臘衆尚二十萬。與官軍力戰而敗。深據巖屋。

韓世忠擒方臘

陳過庭直言

為三窟。坤入聲諸將莫知所入。王淵裨皮將也。韓世忠潛行溪谷。問野婦得徑。即挺身仗戈直前。擣其穴。格殺數十人。擒臘以出。辛興宗領兵截洞口。掠為已功。併取臘妻子及偽相方肥等五十二人。殺賊七萬餘人。其黨皆潰。會臘凡破六州五十二縣。戕平民二百萬。所掠婦女自賊洞逃出。裸而縊。意於林中者相望百餘里。綱五月。以鄭居中領樞密院事。大蝗。綱安置御史中丞陳過庭于黃州。綱過庭以睦寇方臘竊發。嘗上言。致寇者蔡京。養寇者王黼。竄二人。則寇自

綱鑑易知錄

宋徽宗

中 聖旨見禁

平。又言朱勔父子。本刑餘小人。交結權近。竊取名器。罪惡盈積。宜正典刑。以謝天下。三人憾之。至是陷以罪。責黃州。今湖廣黃州府安置。綱秋七月。黑眚。生上見現于禁中。告妖氣也。百元豐。神宗年號末。嘗有物大如席。夜見寢殿上。而神宗崩。元符。哲宗年號末。又見哲宗崩。至大觀。徽宗年號間。漸書見。政和。徽宗年號以來。大作。每出若列屋。推倒之聲。其形僅丈餘。彷彿如龜。黑氣蒙之。不大了了。氣之所及。腥血四灑。又或變人形。或為驢。晝夜出無時。多在掖庭。宮旁舍。及內殿。習以為常。人亦不大怖。又洛陽

黑漢

見六六卷二五。府畿內忽有物如人或如犬。其色正黑。不辨面目。始夜則掠小兒食之。後雖白晝。入人家為患。所至喧然不安。謂之黑漢。有力者夜執鎗自衛。亦有託以作過者。二年乃息。綱八月。加童貫太師。封楚國公。綱方臘伏誅。改睦州為嚴州。歙州為徽州。綱九月。以王黼為少傅。鄭居中為少師。詔宦者李彥指民田于京東西路。綱冬十月。詔童貫復領陝西兩河宣撫使。十一月。馮熙載罷。以張邦昌為中書侍郎。王安中。李邦彥為尚書左右丞。金侵遼中京。見上十八

綱壬寅四年春正月以蔡攸為少保。綱金克遼中京。

遼耶律延禧殺其子晉王敖盧幹走雲中。金克中京耶律撒八

等謀立敖盧幹事覺遼主遣人縊殺之敖盧幹素有

人望由是人心解體耶律余覲引金兵逼遼主行宮

遼主率衛士五千餘騎走雲中。綱二月管句搆太平

觀貫陳瓘卒。目或問游酢以當今可以濟世之人。酢

曰四海人才不能周知以所識知陳了翁瓘其人也

劉安世嘗因瓘病使人勉以醫藥自輔曰天下將有

賴於公當力加保養以待時用至是卒於楚州。見上。綱三月金襲遼軍延禧走夾山。綱遼燕京留守李處

人陳了翁其

溫等以耶律淳延禧之叔稱帝。遙廢其主延禧為湘陰王。

綱金克遼西京。見同上。綱詔童貫蔡攸等勒兵巡邊

以應金。目朝廷既與金約夾攻遼以復燕雲蔡京童

貫主之鄭居中力陳不可。謂京曰公為大臣不能守

兩國盟約輒造事端誠非廟算。京曰上厭歲幣五十

萬故爾。居中曰公獨不思漢世和戎用兵之費乎。使

百萬生靈肝腦塗地公實為之。由是議寢。及金數朔

敗遼兵童貫乃復乞舉兵。居中又言不宜幸災而動

待其自斃可也。時睦寇初平帝亦悔於用兵王黼獨

識鄭居中遠

言曰。中國與遼雖為兄弟之邦。然百餘年間。彼之所
 以開邊慢我者多矣。今而不取燕雲。女真即彊中原。
 故地將不復為我有。帝遂決意治兵。會聞耶律淳自
 立。乃以蔡攸副。貫勒兵十五萬巡北邊。以應金。綱夏
 五月。童貫進兵擊遼。敗績。退保雄州。詔班師。貶都統
 制种充師道為右衛將軍致仕。貫至高陽關。在直隸保
定府高陽縣命都統制种師道護諸將進兵。師道諫曰。今
 日之舉。譬如盜入隣家。不能救。又乘之而分其室焉。
 無乃不可乎。貫不聽。耶律淳聞之。遣耶律大石蕭幹

种師道諫
進兵

宋師白溝
之敗

禦之。師道次白溝。見上十九遼人譟而前。師道前軍統制
 楊可世敗績。師道退師雄州。今保定府雄縣帝聞兵敗而懼。
 詔班也還也。師遼使來言曰。女真之侵本朝。亦南朝之所
 甚惡也。今射石一時之利。棄百年之好。去聲結豺狼之
 鄰。基他日之禍。謂為得計。可乎。救災卹鄰。古今通義。
 惟大國圖之。貫不能對。种師道復請許之和。貫不納。
 而密劾師道助賊。王黼怒。責授師道右衛將軍致仕。
 綱六月。以王黼為少師。綱遼耶律淳死。其妻蕭氏稱
 太后。主國事。李處溫伏誅。處溫懼禍。南通童貫。欲挾
蕭后納土。北通於金。欲為

宋昭極諫

內應事覺后綱秋七月詔童貫蔡攸再舉伐遼以劉
 執處溫賜死綱九月除朝散郎宋昭名綱昭土書
 延慶為都統制綱極言遼不可攻金不可鄰異時金必敗盟為中國患
 乞誅王黼童貫趙良嗣等且曰兩國之誓敗盟者禍
 及九族陛下以孝理天下其忍忘列聖之靈乎陛下
 以仁覆天下其忍置河北之民於塗炭之中而使肝
 腦塗地乎王黼大惡之除昭名編管海州綱見上綱金
 遣使來命趙良嗣報之綱取燕而歲幣不可得乃遣使
 來議師期帝遣趙良嗣綱遼將郭藥師以涿綱今直隸
 報之且言不負初約綱順天府

趙良嗣如金求三州

金克遼燕京

涿州綱易綱今直隸保定府易州二州來降綱冬十月劉延慶及郭藥
 師進兵攻遼藥師襲燕敗績延慶兵潰綱以蔡攸為
 少傅判燕山府綱即順天府綱十一月金人來議燕地十二
 月遣趙良嗣復如金求營綱今直隸永平府昌黎縣平綱即未灤綱鷺
 今求平三州綱初朝廷與金約但求石晉路契丹故地
 府灤州三州而不思平營灤三州乃劉仁恭獻契丹
 以求援者既而王黼悔欲并得之金主不肯及趙良
 嗣往金主云今更不論元約特與燕京薊景檀順涿
 易六州良嗣言元約十六州今乃如此信義安在抗
 辯數四金人不從良嗣乃與其吏李靖偕來止許六
 州帝復遣良嗣送之綱音石晉路契丹十六綱金克遼
 且求營平灤三州綱州見六一卷三一綱金克遼
 燕京耶律淳妻蕭氏奔天德綱於是遼五京皆為金有
 金主遣騎兵送趙良嗣

良嶽

綱鑑易知錄

卷七十五

宋徽宗

還日獻綱萬歲山見上更名曰良嶽帝自為良嶽

遼俘良發政和七年冬書作萬歲山至是年冬而始

國之良明竣事則跨歷六年極土木之盛殫億萬之

財怒於上而不悟民怨於下而不知是時強狄在

外漸為國患宋之君臣曾未見其思患預防之心而

徒今日斂民貲明日勞民力自古荒淫之君愚之甚

者未有如徽宗之甚者也噫民心既離天命亦叛雖

有臺池鳥獸豈能獨樂哉

綱癸卯五年金太宗完顏吳春正月金遣使來趙良

嗣復如金良嗣至燕與金主議燕京西京之地金

主曰若宋必欲平灤等州則并燕京不與因以答書

先示良嗣良嗣讀至燕京用本朝兵力攻下其租稅

當輸本朝良嗣因曰租稅隨地豈有與其地而不與

其租稅者粘沒喝曰燕京自我得之則當歸我大國

熟計若不早見與請速追涿易之師無留我疆於是

遣李靖與良嗣偕來靖既入對遂見王黼黼謂靖曰

租稅非約也上意以交好去聲之故欲以銀絹充之靖

復請去年歲幣帝亦特許之仍命良嗣與靖偕使綱

以王安中知燕山府郭藥師同知府事綱朝廷以金

人將歸燕謀帥臣守之左丞王安中請行王黼贊於

帝遂以安中知燕山府郭藥師同知府事詔藥師入

郭藥師不
反故主

朝禮遇甚厚。賜以甲第。姬妾。命貴戚大臣更互設宴。又名對於後苑。延春殿。藥師拜庭下。泣言。臣在虜中。聞趙皇如在天上。不謂今日得望龍顏。帝深褒稱之。委以守燕。對曰。願效死。又令取天祚。見上以絕燕人之望。藥師變色言曰。天祚故主也。國破出走。臣是以降陛下。使臣畢命。他不敢辭。若使反故主。非所以事陛下。願以付他人。因涕泣如雨。帝以為忠。解所御珠袍及二金盆。以賜藥師。出諭其下曰。此非吾功。汝輩力也。即剪盆分給之。綱金以遼平州。見上為南京。命

金南京

張穀角畱守。綱二月。以李邦彥趙野為尚書左右丞。

綱三月。遣使如金。目趙良嗣至燕。謂金主曰。本朝徇

大國多矣。豈平灤一事不能相從邪。金主曰。平灤欲

作邊鎮。不可得也。遂議租稅。金主曰。燕租六百萬。止

取一百萬。不然。還我涿易。舊疆。我且提兵按邊。良嗣

曰。本朝自以兵下涿易。今乃云爾。豈無曲直邪。且言

御筆許十萬。至二十萬。不敢擅增。乃令良嗣歸報。金

主謂之曰。過半月不至。吾提兵往矣。時左企弓。遼相

嘗以詩獻金主曰。君王莫聽捐燕議。一寸山

左企弓獻
詩金主

綱鑑易知錄

卷七五

宋徽宗

二八

許金歲幣

金歸燕及六州之地

河一寸金。故金人欲背初約。要邀求不已。良嗣行至雄州。見上以金書遞驛奏。王黼欲功之速成。乃請復遣良嗣自雄州再往。使許遼人舊歲幣四十萬之外。每歲更加燕京代稅錢一百萬緡。民。錢。貫也。金主大喜。遂遣銀朮可持誓書草來。許以燕京及六州見下來歸。而山後諸州及西北一帶。接連山川。不在許與之限。帝曲意從之。遣盧益趙良嗣等持誓書往。金人又求糧。良嗣許以二十萬石。綱夏四月。金人來歸燕及涿

易檀

今順天府密雲縣

順今順天府順義縣

景

今直隸河間府景州

蘄計。今順天府

楊時入對

蘄之地。詔童貫蔡攸班師。綱金襲遼。延禧于青冢。獲其子女族屬。從臣以歸。延禧邀戰。敗績。走雲內。綱五月。以楊時為邈英殿說書。目時入對。言於帝曰。熙寧神宗年號之初。大臣文六藝六經也之言。以行其私。祖宗之法。紛更殆盡。元祐哲宗年號繼之。盡復祖宗之舊。熙寧之法。一切砌廢革。至紹聖哲宗年號崇寧徽宗年號抑又甚焉。凡元祐之政事。著在令甲法令也。皆焚之以滅其迹。自是分為二黨。縉紳之禍。至今未殄。臣願明詔有司。條具祖宗之法。著為綱目。有宜於今者。舉而行之。當損

益者損益之。元祐熙豐。熙寧姑置勿問。一趨於中而已。又言燕雲見上之師宜退守內地以省轉輸之勞。募邊民為弓弩手以殺曬常勝軍。初遼主募遼東人為兵使報怨於女真號曰怨軍以郭藥師為帥後改為常勝軍藥師帥所部降宋之勢。又言都城無高山巨浸以為阻衛士人各異心緩急不可倚仗君臣警戒正在無虞之時帝首肯之除邇英說書綱以王黼為太傅總治三省事鄭居中為太保蔡攸為少師進封童貫為徐豫國公居中辭不拜。以收復燕雲宰良嗣為延康殿學士綱遼延禧奔夏都統蕭特烈等居中自陳無功不拜。綱遼延禧奔夏都統蕭特烈等

納張穀

以梁王雅里稱帝。雅里延禧第二子綱金遣使如夏。遺書於夏使執送遼主且綱六月金張穀以平州來歸。發招亡納叛許割地宋納張穀而遂為金人用兵之端豈非貪利忘害之大病乎迨至殺穀界金不惟失國體抑且將士離心矣蓋察理不明而有綱金驅遼宰相左企弓等同燕京大家富民俱東徙燕民流離道路不勝升其苦過平州。見上遂入城言於張穀曰左企弓不能守燕致吾民如是公今臨巨鎮握強兵盡忠於遼。初穀為遼興領平州事金破遼入燕京升平州為南京命穀判留守事使我復歸鄉土人心亦惟公是望穀遂召諸將領議皆曰聞天祚見上兵勢

復振出沒漠南見二十七卷一公若仗義勤王奉迎天祚以圖興復先責左企弓等叛降之罪而誅之盡歸燕民使復其業而以平州歸宋則宋無不接納平州遂為藩鎮矣即後日金人加兵內用營見上二六平之軍外藉宋人之援又何懼焉鼓又訪於翰林學士李石亦以為然鼓乃遣張謙帥五百餘騎傳畱守令名左企弓等數上聲以十罪皆意殺之鼓乃稱保大年天祚三年榜諭燕人復業恆產為常勝軍所占去聲者悉還之燕民既得歸大悅李石更名安弼偕故三司使高黨至

燕京說王安中曰平州形勢之地張鼓總練之才足以禦金人安燕境幸招致之安中令安弼黨與至汴以聞帝以手札付同知燕山府事詹度第令羈縻見八卷之而度促鼓內附鼓乃遣張鈞張敦固持書來請降王黼勸帝納之趙良嗣諫曰國家新與金盟如此必失其權後不可悔不聽綱鄭居中卒以蔡攸領樞密院事秋七月童貫致仕以內侍譚稹為兩河燕山路宣撫使綱禁元祐學術目中書言福建印造司馬光等文集詔令毀板凡舉人傳習元祐學術者

王黼勸帝納張鼓

禁元祐學術

以違制論尋又詔蘇軾黃庭堅等獲罪宗廟義不戴天片文隻語並令焚毀勿存違者以大不恭論

雲間張氏曰抑觀元祐學術通天地質鬼神闢奸邪扶正直為上為德為下為民萬世仰如山斗所謂無間然者也諸賢何負於徽宗前既禁其學術矣又禁以元祐學術政事授業者今又再禁其學術嗚呼徽宗之世所謂通天地而閉塞焉者也一有正直之士衆必鋤治籛揚使其不能容足於朝非竄逐則安置朝進實封暮承賤詔其視學術之正如元祐者毒如仇家則是通國皆非元祐學術者也故曰不有君子其何能國宋其殆矣

金太宗元
顏晟

綱八月金阿骨打死弟吳乞買立更名晟改元天會綱冬十月詔建平州為泰寧軍以張穀為節度使目金人聞

幸王黼第
觀芝

穀叛遣閻都母將三千騎來討穀率兵拒之於營州見閻母以兵少不交鋒而退穀遂妄以大捷聞朝廷拜穀節度使犒賞銀絹數萬綱十一月幸王黼第觀芝綱金人襲平州張穀奔燕山平州人殺金使以拒守目閻母無功而退金主復使幹肱入不督閻母攻平州會張穀聞朝廷犒賜將至喜而遠迎幹不不乘其無備襲之與穀戰於城東穀敗宵奔燕山上見二六又王安中納而匿之平州都統張忠嗣及張敦固出降金金遣使與敦固入諭城中城中人殺其使

殺張穀
金

者立敦固為都統閉門固守。綱詔殺張穀函首以昇。
祕金。目金人以納叛來責。朝廷初不欲發遣金人索
之益急。王安中取貌類穀者斬其首與之。金曰非穀
也。遂欲以兵攻燕。朝廷不得已。命安中縊意殺之。函
其首併穀二子送於金。於是燕降將及常勝軍見士
皆泣下。郭藥師曰。金人欲穀即與。若求藥師亦將與
之乎。安中懼。因力求罷。以蔡靖知燕山府事。自是降
將卒皆解體。而金人遂用此興師矣。

尺木堂綱鑑易知錄卷七五

尺木堂綱鑑易知錄卷七六

周之炯靜專

綱目續編定本

山陰吳乘權楚材同輯

周之燦星若

宋紀

徽宗皇帝

綱甲辰六年春正月夏稱藩于金。金以邊地界祕之。

綱三月金人來索糧。索趙良嗣所許不與。金人由綱

閏月京師河東陝西地震。詔右司郎中黃潛善按視

綱鑑易知錄

卷七六

宋徽宗

遷潛善為戶部侍郎。綱夏四月起復李邦彥為尚書左丞。時邦

父喪纔兩月。綱六月金人陷平州。秋八月譚稹罷復以

童貫領樞密院事。兩河燕山路宣撫使。九月以白

時中為太宰。李邦彥為少宰。趙野宇文粹中為尚書

左右丞。蔡懋同知樞密院事。綱冬十一月王黼有罪

免。李邦彥素與黼不協。陰結蔡攸共毀之。會中丞何

卓論黼姦邪。專橫十五事。遂詔黼致仕。其黨胡松

年等皆免。綱十二月詔蔡京復領三省事。勸力勸用京。帝

從之。京至是四當國。自昏眊不能視事。悉決於季子條。條音叨。

綱河北山東盜起。山東有張仙者。眾至十萬。又有張迪者。眾至五萬。河北有高托山者。號三十萬。自餘二三萬者不可勝數。

蔡京復相

女子生髭

綱都城有女子生髭。詔度為道士。目都城中酒保

朱氏女忽生髭。長六七寸。疏秀甚美。宛然一

男子。特詔為道士。又有賣青果男子孕而誕子。

綱乙巳七年春正月。遼延禧如党項。見五二。二月至

應州。今山西大。同府應州。金將婁室獲之以歸。遼亡凡九世共

綱遼耶律大石稱帝于奇兒漫。改元延慶。羣臣上尊

西綱夏四月。勸蔡京致仕。其兄攸嫉之。白時中李邦

彥亦惡條。乃與攸發條奸私事。帝怒。褫條

官制。詔行元豐官制。復尚書令之官。虛而

綱六月封

男子誕子

遼亡

西遼

綱監易印錄

卷七

宋徽宗

二

綱鑑易知錄 卷七十六 宋徽宗 三

官者童貫為廣陽今直隸郡王帝援神宗遺訓能復

以王爵封綱前寶文閣待制劉安世卒全燕之境者胙土賜

貫為王。安世為章

惇蔡卞蔡京所忌連貶竄極遠惡地無不歷之至是

卒安世少從學於司馬光平居坐不傾倚書不草率

不好聲色貨利忠孝正直皆取則於光除諫官在職

累年正色立朝其面折廷諍或逢盛怒則執簡却立

俟威少霽際止也復前抗辭旁列者見之蓄縮聳汗年

既老羣賢凋喪略盡歸魁去然獨存以是名望益

重梁師成用事能生死人心服其賢求得小吏吳默

元城取則 溫公

器之真鐵 漢

有狐升御 榻而坐

常趨走前後者使持書咄淡也以即大用默勸為

子孫計安世笑謝曰吾若為子孫計不至是矣還其

書不答蘇軾嘗評元祐哲宗年號人物曰器之安世字真鐵

漢綱秋八月金吳乞買廢遼延禧為海濱王遣使以

來告綱九月有狐升御榻而坐目時又有都城東門

外鬻菜夫至宣德門下忽若迷罔釋荷擔向門戟手

且詈云太祖皇帝神宗皇帝使我來道尚宜速改也

邏羅去聲卒捕之下開封獄一夕方省則不知向者

所為乃於獄中盡之綱冬十月金將粘沒喝幹離不

綱鑑易知錄 卷七十六 宋徽宗 三

傅察死節

分道入寇。自平州入燕山。綱十一月太常少卿傅察使金。不
屈死之。目察為金賀正使。至境上。遇幹離不兵。脇之
使拜。且降。不拜。左右捽卒。持之伏地。愈植立。反覆
論辨不屈。遂遇害。察堯俞從孫也。十八登進士。蔡京
嘗欲妻以女。拒弗答。平居恂恂然。若無所可。否及倉
猝。徇義。聞者莫不壯之。後諡忠肅。綱名种。師道為兩
河制置使。時師道致仕居南山豹林谷。金人南下。趣
名之。師道聞命。即東過姚平仲。有步騎四
千與之俱赴汴。綱十二月童貫自太原逃歸。金粘沒喝陷朔
代州。遂圍太原。目先是金人遣使來許割蔚鬱。今
山西大

同府應今大同州及飛孤今大同府廣昌縣靈丘今大同府靈丘縣
縣。帝信之。遣童貫往受地。至太原今山西太原府聞粘沒喝
自雲中即大南下。貫乃使馬擴辛與宗往。使諭以交
割地事。擴至粘沒喝曰。爾尚欲此兩州兩縣邪。汝家
別削數城來。可贖罪也。汝輩可即去。擴還報。請貫速
作備禦。貫不從。既而粘沒喝遣王介儒撒離拇母持
書至太原。責以渝盟納叛納張等事。詞語甚倨。貫問
之曰。如此大事。何不素告我。撒離拇曰。兵已興。何告
為宜。速割河東治太河北治直隸大名府以大河為界。用存

張孝純止
童貫

宋朝宗社乃報國也。貫聞之氣褫。奪也。不知所為。即欲假赴闕稟議為名。遁還京師。知太原府張孝純止之曰。金人渝盟。大王當會諸路將士。極力枝梧。亦作支吾。羽小柱為枝。斜柱為梧。史記項羽本紀。諸將皆懼服。莫敢枝梧。今大王去。人心必搖。是以河東與金也。河東既失。河北豈可保邪。願少留共圖報國。兼太原地險城堅。人亦習戰。未必金便能克也。貫怒叱之曰。貫受命宣撫。非守土也。必欲留貫置帥。臣何為。遂行。孝純歎曰。平生童太師作幾許威望。及臨事。乃蓄縮畏懼。奉捧頭鼠竄。何面目復見天

李翼死節

于乎。粘沒喝引兵降朔州。今大同府朔州。克代州。今太原府代州。都巡檢使李翼力戰被執。罵賊死。粘沒喝遂進圍太原。孝純悉力固守。綱金幹离不入檀薊州。見上卷。郭藥師以燕山。見上卷。叛降金。藥師帥所部兵劫蔡靖及都轉運使呂頤浩以降。金盡陷燕山州。幹离不既得藥師。益知宋虛實。因以為鄉導。懸軍深入矣。綱詔內侍梁方平帥衛士守黎陽。今大名府瀋縣。綱以皇太子為開封牧。帝以金師日迫為憂。蔡攸探知帝意。欲內禪。引給事中吳敏入對。宰執皆在。敏前奏事。且曰。金人渝盟。舉兵犯順。陛下何以待之。帝蹙然曰。奈何。時

東幸計已定命李悅抽先出守金陵。今江南寧府敏退詣都堂言曰。朝廷便為棄京師。討何理也。此命果行。須死不奉詔。宰執以為言。悅遂罷行。而以太子為開封牧。綱詔天下勤王。許臣庶直言極諫。罷道官。及行幸諸局。目初宇文虛中為童貫參議官。虛中以廟謨失策。主帥非人。將有納侮自焚之禍。上書極言之。王黼大怒。又累建防邊策議。皆不報。及金人南下。貫與虛中還朝。帝謂虛中曰。王黼不用卿言。今事勢若此。奈何。虛中對曰。今日宜先降詔罪已。更革弊端。俾人心

宇文虛中
詔略

天意回。則備禦之事將帥可以任之。帝即命虛中草詔。略曰。朕以寡昧之質。藉盈成之業。言路壅蔽。面諛日聞。恩倖持權。貪饕得志。縉紳賢能。陷於黨籍。政事興廢。拘於紀年。賦斂竭生民之財。戍役困軍旅之力。多作無益。侈靡成風。利源酷榨。已盡而牟利者尚肆。誅求諸軍衣糧。不時而冗。食者坐享富貴。災異謫見。而朕不寤。眾庶怨懟。而朕不知。追惟已愆。悔之何及。思得奇策。庶解大紛。望四海勤王之師。宜二邊禦敵之略。未念累聖仁厚之德。涵養天下百年之餘。豈無四方忠義之人。來徇國家一日之急。應天下方鎮郡縣。守令各率眾勤王。能立奇功者。並優如獎異。草澤異材。能為國家建大計。或出使疆外者。帝覽之曰。並不次任用。中外臣庶。並許直言極諫。今日不吝改過。可便施行。虛中又請出宮人。罷道官。及大晟府。見七十四卷行幸局。暨諸局務。綱名熙河。見七十四卷

二經略使姚古秦鳳見同經略使种充師中將兵入
 援綱以吳敏為門下侍郎。帝東幸之意益決。太常
 少卿李綱謂敏曰。建牧之議。豈非欲委太子以留守
 之任乎。今敵勢猖獗。非傳太子以位號。不足以招徠
 天下豪傑。敏曰。監國可乎。綱曰。肅宗靈武之事。見五卷
 八。不建號。不足以復邦。而建號之議。不出於明皇。後
 世惜之。上聰明仁恕。公曷不為上言之。翌日。敏入對。
 具以綱言白帝。帝即召綱入議。綱刺威血上疏曰。皇
 太子監國。禮之常也。今大敵入攻。安危存亡。在呼吸

李綱刺血
 上疏

閒。猶守常禮可乎。名分不正。而當大權。何以號召天
 下。若假皇太子以位號。使為陛下守宗社。收將士心。
 以死捍敵。天下可保。帝意遂決。明日。宰臣奏事。帝留
 李邦彥。語敏綱所言。遂拜敏門下侍郎。草詔傳位。綱
 帝傳位于太子。太子即位。尊帝為教主。道君太上皇
 帝。皇后為太上皇后。帝退居龍德宮。以李邦彥為綱
 以李綱為兵部侍郎。綱上書言。方今中國勢弱。君
 子道消。法度紀綱蕩然無統。陛下履位之初。當上應
 天心。下順人欲。攘除外患。使中國之勢尊。誅鋤內姦。

陳東上書

使君子之道長。以副道君皇帝付託之意。召對延和殿。時金議割地。綱言祖宗疆土。當以死守。不可以尺寸與人。帝嘉納之。拜兵部侍郎。綱立皇后朱氏。后武康節度使伯綱以耿南仲簽書樞密院事。南仲帝東康節材之女。綱遣給事中李鄴使金。目告內禪。且請脩好。聲鄴至慶源府。幹離不欲還。郭藥師曰。南朝未必有備。不如姑行從之。綱太學生陳東上書請誅蔡京等六人。目時天下皆知蔡京等誤國而用事者多受其薦引。莫肯為帝明言之。東率諸生上書曰。今日之事。蔡京壞亂於

六賊異名同罪

前梁師成陰賊於內。李彥結怨於西北。朱勔聚怨於東南。王黼童貫又從而結怨於二虜。創開邊隙。使天下勢危如絲髮。此六賊者。異名同罪。伏願陛下擒此六賊。肆陳尸諸市朝。傳轉去聲首四方。以謝天下。
雲間張氏曰。嗚呼。陳東之言。賈太傅所謂痛哭者是也。欽宗即位之初。一得陳東之書。正當奮乾剛之斷。即以六奸肆諸市朝。詔告天下。將見天下之懷忠秉義者。莫不曰。有君如此。我何不出而輔之。且大奸脫距。黨勢自孤。不能為害也。必矣。況金人一聞新君如此。有為氣亦少沮。汴宋基圖。孰能搖之。今於陳東之言。既嘉納之。又不果行。足見其不能為也。
欽宗皇帝名桓。徽宗太子。初封定王。金人入寇。遂受內禪。在位二年。遂陷於金。而汴宋亡矣。

帝在東宮初無失德立遘強胡二年入寇逼之北行紹興三十年殂於五國城悲夫

綱丙午欽宗皇帝靖康元年春正月詔中外臣庶直

言得失自金人犯邊屢下求言之詔事稍緩則陰

沮抑之當時有城門閉言路開城門開言路閉之語

綱梁方平之師潰會于黎陽金人遂渡河自金幹離

不陷相今河南南濟即濟縣見彰德府上五黎陽二州時方平帥禁旅屯

於黎陽河北岍金將迪古補奄忽也至方平奔潰河南

守橋者望見金兵旗幟燒橋而遁河北河東俱見上四路

制置副使何灌帥兵二萬退保滑州今大名府滑縣亦望風

梁方平黎陽之潰

迎潰官軍在河南者無一人禦敵金人遂取小舟以

濟凡五日騎兵方絕步兵猶未渡也旋渡旋行無復

隊伍金人笑曰南朝可謂無人若以一二千人守河

我豈得渡哉遂陷滑州綱以吳敏知樞密院事李稅

同知院事綱竄王黼于永州今湖廣永州府賜李彥死並籍

其家放朱勔歸田里黼至雍丘今開封府杞縣盜殺之開封尹聶

昌遣武綱太上皇出奔亳州遂如鎮江尹聶帝聞幹南

不濟河即下詔親征以蔡攸為太上皇帝行宮使守

文粹中為副使奉上皇東行以避敵庚午上皇如亳

徽宗出奔

李綱守東京

州今江南鳳陽府亳州於是百官多潛遁初童貫在陝西募長大少年號勝捷軍幾萬人以為親軍及自太原還京見上適上皇南幸貫即以是軍自隨上皇過浮橋衛士攀望號慟貫惟恐行不速使親軍射石之中矢而踏同者百餘人道路流涕蔡京亦盡室南行為自全之計辛巳上皇至鎮江今江南鎮江府綱以李綱為尚書右丞東京即汴京留守兼親征行營使京師戒嚴整兵也宰執議請帝出幸襄襄州今湖北廣襄陽府鄧今河南南陽府鄧州以避敵鋒行營參謀官李綱曰道君皇帝挈宗社以授陛下

李綱力陳不可出幸

委而去之可乎帝默然白時中謂都城不可守綱曰天下城池豈有如都城者且宗廟社稷百官萬民所在捨此欲何之今日之計當整飭軍馬固結人心相與堅守以待勤王之師帝問誰可將者綱曰白時中李邦彥等雖未必知兵然藉其位號撫將士以抗敵鋒乃其職也時中勃然曰李綱莫能將兵出戰否綱曰陛下不以臣庸懦儻使治兵願以死報乃以綱為尚書右丞東京留守綱為帝力陳不可去之意且言明皇聞潼關失守即時幸蜀宗廟朝廷毀於賊手見五

十卷。今四方之兵不日雲集，奈何輕舉以蹈明皇之覆轍乎？會內侍奏中宮已行，帝色變，倉卒降御榻曰：朕不能留矣。綱泣拜以死邀之。帝顧綱曰：朕今為卿留，治兵禦敵之事，專責之卿，勿致疎虞。綱皇恐受命，宰臣猶請出幸不已。帝從之。綱趨朝，則禁衛環也。甲乘輿已駕矣。綱急呼禁衛曰：爾等願守宗社乎？願從幸乎？皆曰：願死守。綱入見曰：陛下已許臣留，復戒行，何也？今六軍父子妻孥皆在都城，願以死守，萬一中道散歸，陛下孰與為衛？敵兵已逼，知乘輿未遠。

李綱禦金

以健馬疾追，何以禦之？帝感悟而止。禁衛六軍聞之，無不悅者，皆拜伏呼萬歲。乃命綱兼行營使，以便宜從事。綱治守戰之具，不數日而畢。綱白時中免以李邦彥為太宰，張邦昌為少宰，趙野為門下侍郎，王孝迪為中書侍郎，蔡懋為尚書左丞。遣使督諸道兵入援。綱金幹、離不圍京師。李綱力戰禦之。金人來議和，詔出內帑及括借士民金帛與之。遣康王構及少宰張邦昌往為質。至日癸酉，幹、離不軍抵汴城，據牟駝。岡帝召羣臣議之。李邦彥力請割地求和，李綱

以爲擊之便。帝竟從邦彥計。命虞部員外郎鄭望之及高世則使其軍未至。遇金使吳孝民來。因與偕還。是夜金人攻宣澤門。李綱禦之。斬獲百餘人。金人知有備。又聞道君已內禪。乃退。甲戌。孝民入見。問納張穀事。令執送童貫譚稹。詹度且言曰。上皇朝事已往。不必計。今少帝與金別立誓書。結好去聲。仍遣親王宰相詣軍前可也。帝因求大臣可使者。李綱請行。帝不許。而命李稅。綱曰。安危在此一舉。臣恐李稅怯懦。誤國事也。不聽。遂命稅使金軍。稅至。幹離不謂之曰。汝

家京城破在頃刻。所以斂兵不攻者。徒以少帝之故。欲存趙氏宗社。我恩大矣。今若欲議和。當輸金五百萬兩。銀五十萬兩。牛馬萬頭。表段百萬匹。尊金帝爲伯父。歸燕雲見上卷之人。在漢者。割中山今直隸真定府定州太原見上河間今直隸河間府三鎮之地。而以宰相親王爲質。送大軍過河。乃退爾。因出事目一紙付稅。遣還。稅等唯唯。不敢措一言。遂與金使蕭三寶奴耶律忠王內瑞等偕來。凡金人所要求。皆郭藥師教之也。乙亥。金人攻天津景陽等門。李綱親督戰。募壯士絕墜

李綱卓識

城而下。自卯至酉，斬其酋長十餘，殺其衆數千人。何
 灌力戰而死。丙子，稅至。李邦彥等力勸帝從金議。帝
 乃括借都城金銀，及倡優家財，得金二十萬兩，銀四
 百萬兩，而民間已空。李綱言：金人所需金幣，竭天下
 且不足，況都城乎？三鎮國之屏，丙蔽割之，何以立國。
 至於遣質，則宰相當往，親王不當往。若遣辯士，姑與
 之議，所以可不可者，宿留數日，大兵四集，彼孤軍深
 入，雖不得所欲，亦將速歸。此時與之盟，則不敢輕中
 國，而和可久也。李邦彥等言：都城破在旦夕，尚何有

三鎮，而金幣之數又不足較。帝默然。綱不能奪，因求
 去。帝慰諭之曰：卿第出治兵，此事當徐圖之。綱退，則
 誓書已成，稱伯大金國皇帝，姪大宋皇帝，金幣割地
 遣質，更盟。一依其言。遣沈晦以誓書先往，并持三鎮
 地圖示之。庚辰，以張邦昌為計議使，奉康王構往金
 軍為質，以求成。初，邦昌與邦彥等力主和議，不意身
 自為質，及行，乃邀帝署御批，無變割地議。帝不許。康
 王與邦昌乘筏竹為之渡壕下池也。自午至夜，始達
 金營。康王，道君皇帝第九子，韋賢妃所生也。

李公抱負

李綱比顏

綱鑑易知錄

卷七

十三

雲間張氏曰甚哉李公之抱負也。當汴京受圍之日，親自請行，向使得遂，其請而至。韓退之有言：『如顏真卿之於李希烈，王未必為質矣。』況和之云：『必勢均力敵，而後可。』或勢力有所偏重，則和終不可議矣。今幹離不隔京師，則其勢力之偏重於金也明矣。尚何以和為議哉？和曰：『議者金人之詐也。苟如李公所論，則將不議而自和。況議乎哉？』吁！李公之計，不行於欽宗，而致國破君辱者，天乎！人也何尤！

註音 顏真卿見五三卷二二二韓退之名愈見五七卷五

綱以唐恪同知樞密院事。綱都統制馬忠敗金人于順天門。金游騎大掠於城下。忠以京西募兵適至。擊金人敗之於順天門外。金師遂收斂為一。西路稍

種師道人

通援兵得達。綱以路允迪簽書樞密院事。如金粘沒喝軍。種師道帥師入援。以師道同知樞密院事。統四方勤王兵。目師道至洛。今河南河南府洛陽縣聞幹離不已。屯東城下。或止師道言：『賊勢方銳，願少駐汜水。』見四綱以謀萬全，師道曰：『吾兵少，若遲回不進，形見情露，祇取辱焉。』今鼓行而進，彼安能測我虛實？都人知吾來，士氣自振。何憂賊哉？揭榜沿道，言種少保領西兵百萬來，遂抵京西。趨汴水。見三四卷三三南徑逼敵營。金人懼，徙砦稍北。斂游騎，但守牟駝岡，增壘自衛。時師道

綱鑑易知錄

卷七

宋欽宗

十四

老种

年高天下稱為老种。帝聞其至甚喜。開安上門。命李綱迎勞。去聲師道入見。帝問曰。今日之事。卿意若何。對曰。女真不知兵。豈有孤軍深入入境而能善其歸乎。帝曰。業以講好矣。對曰。臣以軍旅之事。事陛下。餘非所敢知也。遂拜同知樞密院事。充京畿河北河東見入宣撫使。統四方勤王兵。及前後軍。以姚平仲為都統制。師道時被病。命母拜許肩輿入朝。金使王洵在廷頡。賢入頡。梳。謂相與上下不肯降禮也。詩邶風。下日。望見師道拜跪稍如禮。帝顧笑曰。彼為卿故。師

楊時直言

道請緩給金幣於金。俟彼情歸扼而殲。殺也。盡諸河計之上也。李邦彥不從。廣內有李綱之捍國。外有師道之勤王。豈徒退敵云乎哉。可使制挺以撻金虜之堅甲利兵矣。夫何欽宗昏庸而不能遂二公之願。惜哉。綱以楊時為右諫議大夫兼侍講。曰。時言今日之事當以收人心為先。人心不附。雖有高城深池。堅甲利兵。不足恃也。童貫為三路大帥。棄軍逃歸。見上朝廷置之不罪。故梁方平之徒相繼而遁。見上當正典刑。以為不忠之戒。自貫握兵二十餘年。覆福軍殺將。馴習也順至今日。比聞防城。仍用閹人覆車。見三十一卷三十三之轍不可復

蹈疏土。遂有是命。綱貶梁師成爲彰化節度副使。尋

賜死。

太學生陳東既疏其罪惡布衣張炳亦以爲言遂貶令開封吏護送至貶所行一日追殺之

姚平仲襲金不克而遁

綱二月都統制姚平仲將兵夜襲金營不克而遁。日

時朝廷日輸金幣於金而金人需求不已日肆屠掠

四方勤王之師漸至李綱言金人貪婪盧舍反也無

厭兇悖日甚其勢非用師不可且敵兵號六萬而吾

勤王之師集城下者已二十餘萬彼以孤軍入重地

猶虎豹自投陷穽中當以計取之不必與角一旦之

力若扼河津絕餉道分兵復畿北諸邑而以重兵臨

李綱必勝之計

敵營堅壁勿戰俟其食盡力疲然後以一檄吸也移

取誓書復三鎮見上縱其北歸半渡而擊之此必勝之

計也帝深然之約日舉事种氏姚氏皆素爲山西巨

室平仲以父古方帥熙河兵入援見上慮功名獨歸

种氏乃云士不得速戰有怨言帝聞之以語去聲李綱

綱主其議令城下兵緩急聽平仲節度帝曰遣使趣

促師道戰師道欲俟其弟師中至見上因奏言過春

分乃可擊時相距纔八日帝以爲緩平仲請先期擊

之二月朔平仲帥步騎萬人夜斫斫也敵營欲生擒

神臂弓

幹離不及取康王以歸夜半帝遣中使諭李綱曰姚平仲已舉事卿速援之平仲方發金候吏覺之幹離不遣兵迎擊平仲兵敗懼誅亡去李綱率諸將出救遂與金人戰於幕莫天坡以神臂弓射石却之師道復言劫寨已誤然兵家亦有出其不意者今夕再遣兵分道攻之亦一奇也如猶不勝然後每夕以數千人擾之不十日賊遁矣李邦彥等畏懦皆不果用綱罷李綱以謝金人目幹離不召諸使者詰責用兵違誓之故張邦昌恐懼涕泣康王不為去動金人異之

罷李綱以謝金人

陳東上書請復用李綱

乃使王汭來致責且請更以他王為質汭至李邦彥語之曰用兵乃李綱姚平仲爾非朝廷意也因罷李綱以謝金人廢親征行營司時宇文虛中聞汭京急馳歸收合散卒得東南兵二萬人以便宜起李邈莫領之令駐於汴河在開封府城西會姚平仲失利援兵西來者皆潰會虛中繼墜而入京帝欲遣人奉使辨劫營非朝廷意大臣皆不欲行虛中承命慨然而往綱太學生陳東上書請復用李綱詔以綱為尚書右丞京城防禦使發前書陳東上書請誅蔡京六人此書陳東上書請復用李綱則庶乎可謂得好

綱鑑易知錄

卷七十六

宋欽宗

十一

李綱社稷之臣

李邦彥等社稷之賊

惡之。正矣。東等千餘人上書於宣德門言。李綱奮勇不顧。以身任天下之重。所謂社稷之臣也。李邦彥白時中。張邦昌。趙野。王孝迪。蔡懋。李稅之徒。庸繆不才。忌嫉賢能。動為去聲身謀。不恤國計。所謂社稷之賊也。陛下拔綱。中外相慶。而邦彥等疾如仇讎。恐其成功。因緣沮敗。罷綱。非特墮邦彥等計中。又墮虜計中也。乞復用綱。而斥邦彥等。且以閩外見七十二卷七付付種師道。宗社存亡在此舉。不可不謹。書奏。軍民不期而集者數萬人。帝乃復綱。右丞充京城四壁防禦使。既而都

高宗還

人又言願見種師道。詔趨促師道入城。彈壓。師道乘車而至。眾舉奉揭也。簾視之。曰。果我公也。相麾聲喏社猶云唱喏也。而散。吳敏奏。東為士學錄。東力辭以歸。綱除元祐黨籍學術之禁。綱更以肅王樞為質于金。康王構還。廣高宗還天意也。天其或旨宇文虛中冒鋒鏑至金營。次日。金遣王訥隨虛中入城。要越王及李邦彥。吳敏。李綱。并駙馬曹晟等。與金銀騾馬之類。且欲御筆書定三鎮。見上界。方退軍。明日。帝命肅王往代質。康王。張邦昌。還綱。以徐處仁為中書侍郎。宇文虛

中簽書樞密院事蔡懋罷綱詔割三鎮地以昇祕金金幹離不引兵北去京師解嚴目初金人犯城蔡懋禁不得輒施矢石將士積憤及李綱復用下令能殺敵者厚賞衆無不奮躍金人懼稍稍引却至是宇文虛中復奉詔如金許割三鎮地幹離不得詔遂不俟金幣數足遣韓光裔異來告辭退師北去肅王從之京師解嚴罷兵也種師道請乘其半濟擊之帝不許師道曰異日必為國患御史中丞呂好問進言於帝曰金人得志益輕中國秋冬必傾國復來禦敵之備當

種呂先見

浪子宰相

速講求不聽綱李邦彥免目邦彥無所建明惟阿順趨諂而已都人目為浪子宰相綱以張邦昌為太宰吳敏為少宰李綱知樞密院事耿南仲李棬為尚書左右丞綱宇文粹中罷綱姚古種師中及府州將折舌彥質以兵入援目姚古種師中及府州今陝西延安府府谷縣帥折彥質各以兵勤王凡十餘萬人至汴城下而幹離不已退李綱請詔古等追之且戒俟其閒諫可擊則擊而三省乃令護送出之勿輕動以啓釁時大臣政令矛盾聞上聲故迄無成功綱種師道罷目中丞

綱監易印錄

卷七十六 宋欽宗

十一

許翰諫老
種師道

吳敏薦楊
時

許翰言師道名將。沈毅有謀。不可使解兵柄。帝謂其老難用。翰曰。秦始皇老王。剪而用李信。兵辱於楚。見七卷二。漢宣帝老趙充國。而卒能成金城之功。見十六九。自呂望太公以來。以老將收功者難一二數。上聲師道智慮未衰。雖老可用也。帝不納。翰又言。金人此去。存亡所繫。當命一大創。也使失利去。則中原可保。四夷可服。不然。將來再舉。必有不救之患。宜遣師邀擊之。帝亦不聽。綱以楊時兼國子祭酒。目時知無不言。然不見聽。及太學生留李綱種師道。吳敏乞用時。以靖太

張孝純守
太原

張確死節

學。因名對。時言諸生忠於朝廷。非有他意。但擇老成有行誼者。為之長貳。則將自定。帝曰。無以逾卿。遂用之。綱金粘沒喝入威勝軍。陷隆德府。目粘沒喝攻太原。見上四。悉破諸縣。獨城中以張孝純。見同固守不下。平陽府。屬山西。叛卒導金兵入南北關。粘沒喝歎曰。關險如此。而使我過之。南朝可謂無人矣。既過。知威勝軍。今山西沁州。李植以城降。遂攻下隆德府。今山西安。知府張確死之。進屯澤州。今山西綱貶蔡京為祕書監。童貫為左衛上將軍。蔡攸為大中大夫。以陳東之言也

時三八皆從上皇行綱梁方平伏誅廣金人過河由方平之師

厥罪綱王孝迪罷綱以聶念人昌為東南發運使未

行而罷目初上皇南幸見上童貫高俅求等以兵扈

戶從既行聞都城受圍乃止東南郵由傳轉去聲

及勤王之師道路籍籍語聲也言貫等為變朝議以戶

部尚書聶昌為發運使往圖之李綱曰使昌所圖果

成震驚太上此憂在陛下萬一不果是數人者挾太

上於東南求劍南治四川成都府一道陛下將何以處之莫

若罷聶昌之行請於太上去上聲此數人自可不勞而

定帝從之綱金粘沒喝還雲中見上聞軍圍太原綱

三月張邦昌李棬免綱以徐處仁為太宰唐恪為中

書侍郎何棨栗為尚書右丞許翰同知樞密院事目

帝召處仁問割三鎮是否處仁言不當棄與吳敏議

合敏薦處仁可相遂拜太宰時進見者多論宜和徽

末年聞事恪言於帝曰革弊當以漸宜擇今日之所

急者先之而言者不顧大體至毛舉前事以快一時

之憤豈不傷太上之心哉京攸貫蔡京蔡攸之徒

既從竄斥姑可已矣他日邊事既定然後白太上請

識者恨唐恪

下一詔與天下共棄之。誰曰不可。帝曰。卿論甚善。為朕作詔書。以此意布告在位。廣義羣賢彙征。若可以傾否矣。然而否終不能

頌者以唐恪一人

綱宇文虛中免

言者劾其議和之罪。出知青州

綱

詔种師道屯滑州。姚古种師中援三鎮。古復隆德府。威勝軍。師中追幹离不至北鄙而還。目詔金人要盟。終不可保。今粘没喝深入。南陷隆德。先敗元約。朕夙夜追咎。已黜罷元主和議之臣。其太原中山河間三鎮。見上十八保塞陵寢所在。誓當固守。於是命种師道為河北河東。見上八宣諭使。駐滑州。見上姚古為

李綱迎上皇

河北制置使。种師中副之。古總兵援太原。師中援中山河間。幹离不行。至中山河間兩鎮。皆固守不下。師中因進兵以逼之。幹离不遂出境。姚古以兵復隆德。威勝。扼南北關。**綱**詔李綱迎太上皇于南京。目時用事者言太上將復辟。辟君也。猶言復位。於鎮江。見上九人情危駭。既而太上還至南京。見上六六卷二五以書問改革政事之故。且名吳敏李綱。或慮太上意不可測。綱曰。此無他。不過欲知朝廷事爾。綱往具道皇帝聖孝思慕。請陛下蚤還京師。太上因及行宮止。遞角等事。綱曰。當時

李公即韓魏公之高

恐金人知行宮所在。非有他也。因言。皇帝每得詰。乞問之。詔輒憂懼不食。臣竊譬之。家長出而彊寇至。子弟之任家事者。不得不從宜措置。長者但當以其能保田園大計。而慰勞上之。苟誅責也。及細故。則為子弟者。何所逃其責邪。陛下回鑿。臣謂宜有以大慰皇帝之心。勿問細故可也。太上感悟。出玉帶金魚見四九卷二六象簡賜綱。且曰。卿捍守宗社有大功。若能調和父子間。使無疑阻。當遂垂名青史。見四七卷十綱遂具道太上意。帝始釋然。廣義嗚呼。李公善處微欽父子。其即韓魏公之高致也。千古令人景仰。不亦偉哉。

致

註音韓魏公見六

綱夏四月。太上皇至京師。目太上

將至。宰執進迎奉儀注。耿南仲議欲屏丙太上左右

誠明疑閣

車。駕乃進。李綱言。天下之理。誠與疑。明與闇而已。自

誠明推之。可至於堯舜。自疑闇推之。其患有不可勝

升言者。耿南仲不以堯舜之道輔陛下。乃闇而多疑。

南仲怫然曰。臣適見左司諫陳公輔。乃為李綱結士

民伏闕者。乞下御史置對。上愕然。綱曰。臣與南仲所

論國事也。南仲乃為此言。臣何敢復有所辨。因求去。

帝不允。綱立子謀。忱為皇太子。綱以耿南仲為門下

和靖處士

尹母

善養祿養

侍郎趙野免。以种師道為兩河宣撫使。復以詩賦取士。禁用王安石字說。綱名河南尹焞。至京師。賜號和靖處士。遣還。目焞洛今河南河南府洛陽縣人。師事程頤。紹聖哲宗年號初。嘗應舉。發策有誅元祐哲宗初年號。諸臣議焞曰。噫。尚可以于祿乎哉。不對。而出告頤。曰。焞不復應進士舉矣。頤曰。子有母在。焞歸告其母。母曰。吾知汝以善養。不知汝以祿養。頤聞之曰。賢哉母也。於是終身不就舉。聚徒洛中。非弔喪問疾。不出。士大夫宗仰之。种師道薦焞德行。名至京師。不欲留。賜號和

楊時所
王安石

靖處士。遣還。戶部尚書梅執禮及侍郎邵溥。中丞呂好問。中書舍人胡安國。合奏焞言動。可以師法。器識可以任大。乞擢用之。不報。綱五月。罷王安石配享孔子。猶從祀廟庭。國子祭酒楊時致仕。目時上言。蔡京用事二十年。蠹國害民。幾危宗社。人所切齒。而論其罪者。莫知其所本也。蓋京以繼述神宗為名。實挾王安石以圖身利。故推尊安石。加以王爵。配享孔子廟庭。今日之禍。實安石有以啓之。安石挾管商管仲之商鞅之術。飾六藝六經也。以文去聲。姦言變亂祖宗法度。當時司

馬光已言其為害當見於數十年之後今日之事若合符契其著為邪說以塗學者耳目而敗壞其心術者不可縷數上聲伏望追奪王爵明詔中外毀去配享之象使邪說淫辭不為學者之感疏上詔罷安石配享降居從祀之列時諸生習用王氏學以取科第者已數十年不復知其非忽聞揚時目為邪說羣論籍籍語聲也於是中丞陳過庭諫議大夫馮澥蟹上疏詆時乃罷時祭酒詔改給事中時力辭遂以徽猷閣待制致仕時居諫垣九十日凡所論列皆切於世道

而其大者則闢王氏排和議論三鎮不可棄去

靜軒周氏曰自安石變法結怨四海羣姦肆虐蹈矩循規嗣是歷哲徽二君或紹聖或崇寧日積月累其弊彌長創立新法以塗炭天下之民偽作三經以簧惑天下之人士而海內濁亂因非醞釀而成實萬世之罪人也夫豈可以配享孔子乎上聲當時因襲之弊未有決其是非獨揚時上章極論深切時宜非以道事君者安能若是耶下聲欽宗既知其失當碎其遺像投諸水火斷天下之疑絕後世之惑可也夫何甫黜配享之禮降居從祀之列謂之何哉由是羣吹紛紜時乃致仕一薛居州獨如宋王何觀乎此則世運人心斷可識矣

綱 詔种師中姚古進軍太原師中與金人戰于殺熊積敗績死之古軍潰目太原圍見上不解詔种師中

王安石萬世罪人揚時以道事君

种師中殺熊嶺之敗

由井陘刑。今直隸真定府井陘縣與姚古犄角見二十一師中進

次平定軍今太原府平定州乘勝復壽陽今太原府壽陽縣榆次今太原

原府榆次縣等縣。畱屯真定。時粘沒喝避暑還雲中。見上

畱兵分就畜牧。覘見上者以為將遁。告於朝。許翰信

之數。朔遣使趣師中出戰。責以逗撓。見四卷九師中歎

曰：逗撓，兵家大戮也。吾結髮從軍，今老矣，忍受此為

罪乎。即日辦嚴整兵也。約姚古及張灝豪上俱進。而輜

重載衣物車賞犒之物，皆不暇從行。師中抵壽陽之石阬。

為金將完顏活女所襲。五戰三勝，回趨榆次。至殺熊

嶺。去太原百里。姚古將兵至威勝。見上二十一統制焦

安節、安傳粘沒喝將至。故古與灝皆失期不至。師中

兵飢甚，敵知之，悉眾攻右軍。右軍潰，而前軍亦奔。師

中獨以麾下死戰。自卯至巳，士卒發神臂弓射石退

金人，而賞賚不及，皆憤怒散去。所畱才百人。師中身

被四創。鏘鎗本字力疾鬪死。師中老成持重，為時名將。既

死，諸軍無不奪氣。金乘勝進兵，迎古。遇於盤陀。古兵

潰，退保隆德。見同上事聞，李綱召安節，斬之。安置古於

廣州。今廣東廣州府而贈師中少師。綱六月詔諫官極論闕

神師中死節

綱鑑易知錄 卷之六 宋欽宗 二

崔鷗論蔡京馮澥之姦

失。目右正言崔鷗上疏曰。諫議大夫馮澥近上章言熙寧元豐皆神宗年號之間。士無異論。太學之盛也。澥尚敢為此姦言乎。王安石除異己之人。著三經之說見七。一卷以取士。天下靡然雷同。見五三卷。陵夷見五二二四。以取士。天下靡然雷同。三五勦說。陵夷卷十六。至於大亂。此無異論之効也。蔡京又以學校之法馭士人。如馭卒伍。有一異論。累及學官。其苛錮多士。固已密矣。而澥猶以為太學之盛。欺罔不已。甚乎仁宗英宗。選敦樸敢言之士。以遺去聲子孫。安石目為流俗。一切砌逐去。司馬光復起而用之。元祐哲宗初年號之治。

蔡京姦邪類王莽

天下安於泰山。及蔡京得志。引門生故吏。更持政柄。倡紹述見七三卷十九之論。以欺人主。使天下一於諂佞。紹述同風俗。而天下同於欺罔。紹述理財。而公私竭。紹述造士。而人才衰。紹述開邊。而塞塵犯闕矣。京之術破壞怪天下。已極尚忍。使其餘蠹再破壞。邪。京姦邪之計。大類王莽。而朋黨之衆。則又過之。願斬之以謝天下。綱名种師道。還以李綱為兩河宣撫使。明發師道而名還。李綱書生。而往代則其時事乖刺。亦可見矣。豈非熙豐之黨。有以陰擠之乎。直書於冊。失自見矣。目京師自金兵退。上下恬然。置邊事於不問。李綱獨

許翰書杜
郵二字遺

以為憂數朔土備邊禦敵之策不見聽用每有謀議復為耿南仲等所沮及姚古种師中敗潰种師道以病乞也馬歸南仲等請棄三鎮見上綱言不可乃以綱為宣撫使劉幹蛤副之以代師道又以解蟹潛為制置副使以代姚古綱言臣書生實不知兵在圍城中不得已為陛下料理兵事今使為大帥恐誤國事因拜辭不許或謂綱曰公知所以遣行之意乎此非為邊事欲緣此以去公則都人無辭爾公不起上怒且不測奈何許翰復書杜郵見七二字以遺去聲綱綱

李綱
手書裴度
傳賜李綱

不得已受命帝手書裴度見五八傳以賜之宣撫司兵僅萬二千人綱請銀絹錢各百萬僅得二十萬庶事皆未集綱乞展緩行期御批以為遷延拒命趣促名數四綱入對帝曰卿為朕巡邊便可還朝綱曰臣之行無復還理臣以愚直不容於朝使既行之後無有沮難則進而死敵臣之願也萬一朝廷執議不堅臣自度鐸不能有為即當求去陛下宜察臣孤忠以全君臣之義上為去感動陛辭又為上道唐恪聶昌之姦任之必誤國言甚激切綱路允迪免綱謫左司

綱鑑易知錄 卷七十六 宋欽宗

天狗星隕

諫陳公輔監合州酒務。公輔居職敢言。耿南仲指為李綱之黨。公輔因自列也。且辭位。復言李綱書生不知軍旅。遣援太原。乃為大臣所陷。後必敗事。時宰怒其言。斥監合州。今四川重慶府合州。酒務。綱天狗星隕。有聲如雷。綱。見五卷。出紫微垣。見六九。綱。秋七月。竄蔡京于儋。州。今廣東瓊州府儋州。道死。死於潭州。其子孫二。童貫趙良嗣伏誅。於柳州皆誅於貶所。綱李綱至懷州。諸軍潰。會于太原。綱留河陽。今河南懷慶府孟縣。十餘日。練士卒。脩整器甲之屬。進次懷州。即懷慶府。造戰車。期兵集大舉。

李綱諫罷諸路兵

而朝廷降詔罷所起兵。綱上疏言。秋高馬肥。敵必深入。宗社安危。殆未可知。防秋兵。見五三。盡集尚恐不足。今河北河東。見四。日告危急。未有一人一騎以副其求。奈何甫集之兵。又皆散遣。且以軍法勒諸路起兵。而以寸紙罷之。臣恐後時有所號名。無復應者矣。疏上。不報。趣促赴太原。綱乃遣解潛屯威勝軍。見上。劉韜屯遼州。今山西遼州。幕。幕府。見四。官王以寧與都統制折。可求張思正等屯汾州。今山西汾州府。范瓊屯南北關。見上。皆去太原五驛。約三道並進。時諸將皆承受。

綱蓋易知錄 卷七六 宋欽宗 二九

欽宗任李綱不專

御畫事皆專達進退自如宜撫司徒有節制之名多
不遵命於是劉韜兵先進金人并力禦之韜兵潰潛
與敵遇於關南亦大敗思正等領兵十七萬與張灝
夜襲金婁室軍於文水今太原府文水縣小捷明日戰復大
敗死者數萬人可求師潰於子夏山在文水縣下于夏嘗居此故名
於是威勝軍隆德府見同威勝汾晉晉州今山西西平陽府澤州
絳今平陽府絳州民皆渡河南奔州縣皆空綱八月復以种
師道為兩河宣撫使召李綱還綱以張灝等違節
制而敗又上疏極論節制不專之弊且言分路進兵

賊以全力制吾孤軍不若合大兵由一路進及范世
雄以湖南治湖廣長沙府兵至因薦為宣撫判官方欲會合
親率擊虜會以議和止綱進兵綱亦求罷遂代還綱
金粘沒喝幹离不復分道入寇粘沒喝發雲中幹离今直隸保定府綱徐處仁吳敏許翰罷以唐恪為
少宰何棗為中書侍郎陳過庭為尚書左丞聶昌同
知樞密院事李回簽書院事綱九月金粘沒喝陷太
原副都總管王稟等死之綱粘沒喝乘勝急攻太原
知府張孝純力竭不能支城遂陷孝純被執既又釋

綱鑑易知錄 卷之六 宋欽宗 三十一

王稟死節

而用之。副都總管王稟負原廟原再也先既立廟中後又再立故名。太宗御容赴汾水在太原府城西。死。通判方笈及轉運韓揆

方笈韓揆三十人死節

等三十人皆被害。金分兵陷汾州見知州張克戩。剪

畢力扞禦。城破猶巷戰。不克。乃南向拜。自引決。一家

張克戩一家死節

死者八人。綱。蔡攸朱勔伏誅。綱以王禹字為尚書左

丞。綱罷。李綱知揚州。謫中書舍人劉珣覺。胡安國于

遠州。目安國初為太學博士。蔡京惡其異已。坐事除

名。張商英相始得復官。帝即位。召赴京師。入對。言明

君以務學為急。聖學以正心為要。語甚剴切。自是始

退。耿南仲聞其言而惡之。力間諫於帝。帝不為去動。

中丞許翰入見。帝謂曰。卿識胡安國否。翰對曰。自蔡

京得政。士大夫無不受其籠絡。超然遠迹。不為所汙。

去聲。如安國者實鮮。上聲。遂除中書舍人。及言者論李綱

專主戰議。喪師費財。罷知揚州。今江蘇揚州府。舍人劉珣當

制。謂綱勇於報國。吏部侍郎馮澥言珣為綱遊說。稅

珣坐貶。安國封還詞頭。且論澥越職論事。耿南仲大

怒。何臬從而擠之。遂出知通州。今揚州府。安國在省一

月。多在告也。休假之日。及出。必有所論列。或曰。事之小

劉珣當制

胡安國封還詞頭

者。蓋姑置之。安國曰。事之大者。無不起於細微。今以小事為不必言。至於大事。又不敢言。是無時可言也。人服其論。綱罷西南勤王兵。目金師日逼南道。時分天下

靖康四道

二十三路為四道。以知大名府趙野總北道。知河南府王襄總西道。知鄧州張叔夜總南道。知應天府胡直儒總東道。總管張叔夜陝西制置使錢蓋各統兵赴關。

唐恪耿南仲專主和議。函檄止諸軍勿前。遣給事中

黃諤由海道使金。以請和。綱金幹離不陷真定。都鈐

劉靖死節

拊鞞劉靖。死之。目种師閔及金幹離不戰於井陘。

見上敗績。幹離不遂入天威軍。犯真定。靖率眾晝夜

搏戰。久之。城陷。靖巷戰。麾下稍稍散亡。靖顧其弟曰。

我大將也。可受賊戮乎。因挺刀欲奪門出不果。自縊。

意死。知府李邈被執北去。綱冬十月。安置李綱于建

昌軍。今江西綱金遣使來。金二會遣揚天吉王恂等

前陳謝仍要割地且求金帛綱罷御史中丞呂好問。

車輅儀物及加其主徽號綱罷御史中丞呂好問。

廣前既逐李綱今又貶好問則是宋國空虛無人可

義憚由是知金之滅宋則固非金之滅宋也乃宋之

耳目金人復至。大臣不知所出。遣使講解。金人佯

許而攻略自如。諸將以和議故皆閉壁不出。好問乃

呂好問禦金之策

請亟集滄

今直隸河

滑

見上邢

綱鑑易知錄

卷七

宋欽宗

三

成。忽以過奔衝而列勤王之師於畿邑。以衛京城。疏入。不省。金人陷真定。攻中山。見上上下震駭。廷臣狐疑相顧。猶以和議為辭。好問率臺屬劾大臣畏懦誤國。坐貶知袁州。今江西袁州府帝閔其忠。下遷吏部侍郎。綱名神師道還。尋卒。綱師道次河陽。見上遇王汭。搃敵必大舉。亟上疏請幸長安。今陝西西安府長安縣以避其鋒。大臣以為怯。召還。以范訥代之。師道尋卒。諡曰忠憲。綱十一月。詔百官議三鎮棄守。綱先是遣王雲使金軍。許以三鎮。見上賦入之數。至是雲還言金人必欲得

何桌諫棄三鎮

下哀痛詔

三鎮不然。則進兵取汴都。中外震駭。詔集從官於尚書省。議割三鎮。百官多請割與。以紓紓。舒也。國禍。何桌曰。三鎮國之根本。奈何一旦棄之。且金人無信。割亦來。不割亦來。唐恪耿南仲等力主割地。桌論辨不已。因曰。河北見上之民皆吾赤子。棄地則并其民棄之。為民父母而棄其子。可乎。帝悟。乃止。綱金粘沒喝陷河東。見上諸州郡李回折彥質師潰。會金人遂渡河。陷西京。洛陽詔馮解使金軍請和。綱下哀痛詔。徵兵于四方。綱詔王雲副康王構使金軍。許割三鎮。至磁慈

綱鑑易知錄 卷七十六 宋欽宗 三十一

宗澤謁康王

州人殺雲構還次相州覆鳴呼大道之密人豈能
庭則必不能延南宋一百五十二年雲固請康王
往使詔雲以資政殿學士副王使幹離不軍許割三
鎮王由滑濟俱見上八至磁州今河南彰德府磁州守臣宗澤迎謁
曰肅王一去不返今敵又詭辭以致大王其兵已迫
復去何益願勿行先是王雲奉使過磁相相州即彰德府勸
兩郡撤近城民舍運粟入堡為清野之計民怨之及
是次磁會康王出謁嘉應神祠雲在後民遮道諫王
勿北去厲聲指雲曰真奸賊也執雲殺之時幹離不

汪伯彥受知康王
岳飛遇康王

軍濟河遊奕即遊偵謂之細作日至磁城下蹤跡王所在知
相州汪伯彥亟以帛書請王如相服藁鞬見五六部
兵以迎於河上王遂行至相勞伯彥曰他日見上當
首以京兆薦公由是受知議者以為是役雲不死王
必至金無復還理相州湯陰今彰德府湯陰縣人岳飛少負
氣節家貧力學尤好左氏春秋孫武見四吳起見五
卷七兵法有神力能挽弓三百斤弩八石劉韜宣撫真
定募敢戰士飛與預焉屢擒劇賊至是因劉浩以見
王以為承信郎綱何桌罷以陳過庭為中書侍郎孫

郭京六甲兵

傳為尚書右丞梁主戰守與唐恪耿南仲不合罷為開封尹綱以郭京為成忠郎選六甲兵以禦金孫傳因讀丘濬感事詩有郭京揚適劉無忌之語於市中訪得無忌於龍衛中得京好事者言京能施六甲法可以生擒金二將而掃蕩無餘其法用七千七百七十七人朝廷深信不疑命以官賜金帛數萬使自募兵無問伎藝能否但擇年命合六甲者所得皆市井游惰旬日而足敵攻益急京談笑自如云擇日出兵三百可致太平直襲擊至陰山乃止傳與何泉尤尊信之又有劉孝竭等募眾或稱六丁力士或稱北斗神兵或稱天闕大將大率効京所為識者危之京嘗曰非至綱遣耿南仲聶昌使金軍許盡割兩河地昌為絳人所殺南仲奔相州綱幹離不亦遣使來議割兩河地帝許之命耿南仲如河北幹離不軍

聶昌如河東粘沒喝軍昌行至絳見上鈴掛轄趙子清麾眾殺昌淵入聲其目而變戀上聲切肉塊也之南仲與

金使王洵偕行至衛州今河南衛輝府衛鄉兵欲殺洵洵脫去南仲遂奔相州見上以帝旨諭康王起河北兵入衛

京師因連署募兵榜揭之人情始安綱以孫傳同知樞密院事曹輔簽書院事以范致虛為陝西五路

宣撫使會兵入援綱金人入懷州今河南懷慶府知州事霍安國等死之安國及通判林淵等十三人皆綱金幹

離不粘沒喝圍京城要邀帝出盟綱幹離不自真定

霍安國等死節

張叔夜勤王

今直隸真定府趨汴。僅二十日至城下。粘沒喝自河陽今懷慶府來會。使劉晏來要帝出盟。時西南兩道援兵為唐恪耿南仲遣還。於是四方無一人至者。城中惟衛士及弓箭手七萬人。乃以萬人分作五軍。備緩急救護。命姚友仲辛永宗分領之。以五萬七千人分四壁守禦。綱李回免。綱南道都總管張叔夜將兵勤王。目叔夜聞召。即日自將中軍。令子伯奮將前軍。仲雄將後軍。合三萬餘人。與金游兵轉戰而前。至都下。帝御南薰門。見之。軍容甚整。入對。言賊鋒甚銳。願如明皇

之避祿山

見五十三卷

暫詣襄陽

今湖廣襄陽府

以圖幸雍

雍州今陝

西帝不答

綱復元豐三省官名

以何臬為門下

侍郎

閏月唐恪免。以何臬為尚書右僕射。兼中

書侍郎。綱馮濟至。自金軍以為尚書左丞。

金使蕭慶挾與俱還。自後凡三遣慶來。堅請帝出會盟。綱詔張叔夜簽書樞密

水至懷州

院事。將兵入城。

朱子曰。叔夜領兵合駐。旁近以為牽制。且伸縮自如。一入城。便有牽掣所

以迄無

綱詔康王構為天下兵馬大元帥。殿中侍

御史胡唐老言。康王奉使至磁。為士民所留。乃天意

也。乞就拜為大元帥。俾率天下兵入援。何臬以為然。

詔康王為兵馬大元帥

彗星長竟天

密草詔彙上之。帝令募死士得秦仔劉定等四人。遣持蠟詔。以蠟為丸置詔其中如相州拜王為兵馬大元帥。陳遘為元帥。汪伯彥宗澤為副元帥。使盡起河北兵。速入衛仔至相州。於頂髮中出詔。王讀之。嗚咽。煙入軍民感動。綱彗星出。長竟天。見六十九卷九綱郭京出禦金軍。敗走京城。陷帝如金營。請降。金人攻通津。宣化門。何棗數。朔趣促郭京出師。京徙期再三。至是京盡令守禦人下城。毋得竊窺。因大啓宣化門。出攻金師。京與張叔夜坐城樓上。金兵分四翼。譟而前。京兵敗退走。

不用神師道言

墮死於護龍河。填尸皆滿。城門急閉。京白叔夜曰。須自下作法。因下城。引餘衆南遁。金兵遂登城。四壁兵皆潰。會京城遂陷。帝聞城陷。慟哭曰。不用神師道言。謂扼而殲諸河。乘其半濟擊之。之言見上十五又十八以至於此。何棗欲親率都民巷戰。金人宣言議和。退師乃止。帝聞金人欲和而退。命何棗及濟王栩許使其軍以請成。粘沒喝幹。禹不曰。自古有南即有北。不可相無也。今之所議。期在割地而已。棗還言。金人欲邀上皇出郊。帝曰。上皇驚憂而疾。必欲之出。朕當親往。遂如粘沒喝軍。奉表。

請降。桌喜和議成。既歸都堂。作會飲酒。談笑終日。

史臣曰。金人自陷太原以來。即以講和割地為言。李邦彥吳敏。耿南仲。唐恪。皆墮其計。獨何桌孫傳。以為地不可割。朝廷任之。然初無奇策。可始而信於破城。乃反。傾意講和。夫不信於造謀之君。播遷由惑於和議。而戰守不固也。

康王次東平

綱十二月。康王構帥師入衛。次于東平。明發。春秋。兵

以次為善。救而書次。以次為譏。次于東平。譏之也。康王徽宗之子。欽宗之弟。既受大元帥之職。又領速入衛之言。父兄受厄。危如累卵。此義之所當。勇者況諸將奮發。兵威稍振。王宜斷以大義帥師。解難。以舒父兄之憂。可也。夫何惑。汪伯彥之邪言。違宗汝霖之正議。怯懦恐懼。僅次東平。直書于策。深譏之也。 註音

春秋見。直。康王開大元帥府於相州。有兵萬人。分為

五軍而進。既渡河。次於大名。今直隸大名府。宗澤以二千人

與金人力戰。破其三十餘砦。兼同。履冰渡河。見王曰。京

城受圍日久。入援不可緩。王納之。既而知信德府。今直隸

隸順德府。梁揚祖以三千人至。張俊。苗傅。楊沂中。田師中

等皆在麾下。兵威稍振。會帝遣曹輔齋。濟平。蠟詔見

至。云金人登城不下。方議和好。去聲。可屯兵近甸。毋動。

汪伯彥等皆信之。宗澤獨曰。金人狡譎。是欲款也。緩也。我

師爾。君父之望。入援何啻。試。飢渴宜急。引軍直趨澶

淵。今大名府。次第進壘。以解京城之圍。萬一敵有異

君父望入援何啻飢渴

綱鑑易知錄 卷七十六 宋欽宗 三十八

汪伯彥沮
康王入援

謀則吾兵已在城下伯彥難之勸王遣澤先行王乃命澤趨澶淵自是澤不得預帥府事矣耿南仲及伯彥請移軍東平今山東兗州府東平州從之綱帝至自金營遣使如兩河割地以昇祕金日帝還宮士庶及太學生迎謁帝掩面大哭曰宰相誤我父子觀者無不流涕金遣使來索金一千萬錠銀二千萬錠帛一千萬匹於是大括金銀以陳過庭折彥質等為割地使如河東北割地以昇金又分遣歐陽珣荀等二十人持詔而往珣嘗上書極言祖宗之地尺寸不可以與人復

宰相誤我
父子

歐陽珣忠
義

抗論當與力戰戰敗而失地他日取之直不戰而割地他日取之曲時宰怒欲殺珣乃以珣為將作監丞奉使割深州今直隸真定府深州珣至深州城下慟哭謂城上人曰朝廷為奸臣所誤至此吾已辨死來矣汝等宜勉為忠義報國金人怒執送燕焚死之綱范致虛會師入援至鄧州見上師潰致虛勇而無謀委已以聽實未嘗知兵師出武關至鄧州金婁室以精騎衝之不戰而潰死者過半致虛收餘兵入潼關武關在陝西西安府商州潼關在西安府華陰縣東

尺木堂綱鑑易知錄卷七六

早稲田大学図書館

011688996602